

~~C 4816~~

Ue 4816

Clarissimo uirtute Maxim.
reru usu Nobilissimo uiro, Dno

Antonio D.
Dni

integerr.

etuum Ce.

subm.

sidp0014927



Biblioteka Jagiellonska

Ue 4816

CHRONICON
REGVM POLO-
NIAE, UNA CVM ORIGINE
gentis Regniq; Polonici, Prouinciarum, di-
strictuum, familiarumq; praecipuarum, ciui-
tatum, arcium, nec non in his aliquorum euen-
tuum ac gestorum, Rempub. tam Ecclesiasti-
cam, quam politicam concernentium: à LE-
cho gentis Rege, vsq; ad SIGISMUN-
DVM III. Regem, hac tempestate, DEO
volente & benedicente, regnantem,
succinctè compendioseq; descri-
ptum per

ERASMVV GVICZNERVV CHRISTI

Domini seruum indignum.

Pro Consutu Scopolreasi Iura Marium Reformatione ad Lotho Managa
SVIDAS Pag. 201.

Atramentum & calamus immortales faciunt.

THORVNII

EXCVDET ANDREAS COTENIVS

Anno M. D. XCVII.

AD MAGNIFICVM DO-
MINVM IOHANNEM A ROZDRA-
ZEVVO, IN KROTOSSYN, &c. HAEREDEM,
REGNI POLONIAE SENATOREM
Inclytum ΠΡΟΨΦΩΝΗΤΑ

SVMMVS honcs illis, quorum sub nomine Regum
Longinquo in populo nomina celsa sonant.
Et tibi laus HEROS, Henetos quòd in ordine Reges
Sub titulis cernent secula multa tuis.

Id tua maiorum virtus praestat, tuorum,
Namq; colit DOMINOS stirps tua prisca suos.
Bina hinc GLICZNERO debentur praemia ERASMO,
Et quòd fert patriae munera tanta suae.
Et te de reliquis tam aptè quòd perspicit unum,
Qui auspicijs gestes tam sacra dona tuis.
Caude igitur, PATRIAEq; PATER consuesce vocari,
Huncq; tuos & te qui colit, ornat, ama.

IN TRES ROSAS HEROIS
EIVSDEM STEMMA.



TRINA ROSA A TRINO VIRTVTI NUMINE
DONVM EST:
PALLADIS VNA, ALMI IOVIS ALTERA,
TERTIA MARTI

Iohan. Rybinski.

1724

vlls 1123030

ILLVSTRI AC MA-
GNIFICO DNO. DNO. IOHANNI DE
ROZDRAZEVVO, ROZDRAZEVVSKY,
Castellano Poznaniensi, Senatori Regni
Poloniae integerrimo, Domino ac
Patrono clementissimo.



MAGNA est illorum vi-
rorum laus & existima-
tio, Illustris ac Magni-
fice Domine, qui monu-
mentis literarum res a-
licuius gentis, ab homi-
num memoria praecclare gestas, prodiderunt.
Cum enim vita hominis sapiens & iucunda eo
constet maxime, ut experientiam rerum quis
habeat, cognoscatq; quid factum in mundo,
quidq; sequi debeat: ut inde & vitae suae mo-
dum optimum habeat, eiusq; bonis in alta pa-
ce perfruatur, declinetq; ea quae nocitura vi-
deantur. Ad quod omne assequendum, non
potest non commendari ea instructio, quae in
bistoria recte contexta continetur. Et huius

A ij

quidem

quidem studij ac doctrinae erant viri non solum
extra populum DEI inter gentes grauiissimi,
sed in populo Dei sanctissimi, qui res in mundo
gestas, gnauiter pertractabant, historiasque earum
contexebant. Quemadmodum enim patriae suae
quisque seruire, non tam beneficijs ab ea acce-
ptis, quam lege ipsa naturae, est obstrictus:
ita eius gesta memorabilia, praecleara merita,
aliaque laude digna & scitu necessaria, exara-
re prodereque & tanquam in conspectum mundi po-
nere, permagni apud quemlibet est momenti.
Vnde recte dici potest, Reipub. tam eum serui-
re probe, qui ut incolumis sit, vel belli pacisque
tempore, suas vigilias, labores, sudores ei of-
ferat, proque ea pericula quaeuis adeat: Sed et-
iam qui eius fortia facta, res clarissime gestas,
literis commendet, promulget, prouehat, quod fa-
ma perenni floreat. Ut enim vita hominis non
tantum eum constat, quod existat, sed quod probe
ducatur ac conseruetur, habeatque famam memo-
ria dignissimam: ita regni cuiusuis gesta a bo-
nis regni ciuibus facta, nec euanescere, nec o-
bliuione

bliuione sepeliri debent. Ex his enim plurimum
utilitatis omnibus hominibus promanare vi-
detur, cum historia quaeuis verè prodita, pra-
luceat ea sapientia, quae est vitae magistra.
Unde & appositè & eleganter Theologus
ille magnus Gregorius Nazianzenus inquit:
Praeclearum est mentem historiarum cognitione in-
structam ac refertam habere; historia enim conglo-
bata quadam, & coaceruata sapientia est, homi-
numque multorum mens in vnum collecta. *Quae*
verba praeclearissima omnique observatione di-
gnissima, ut fusiùs explicem, verba Histori-
ci non contemnendi Nicetae Choniatae huc
adferam. Utiliter, inquit ille, inuenta sunt histo-
riae, neque paruas his, qui rebus melioribus student, com-
moditates suppeditant, tum vetustatis memoria
repetenda, tum ingenij hominum explicandis, tum
varij eorum conatibus ob oculos ponendis, quibus
animorum magnitudo & honestatis amor ab
ipsa natura fuit insitus. Iam quia vitia perstringunt,
& praeclearas actiones celebrant, moderatiores ple-
rumque reddunt, & meliores homines, tam ad vitia,
quam ad virtutem propensos: his duntaxat exce-
ptis, qui turpissima educatione corrupti ac mala
consuetudine deprauati, nullam virtutis rationem
habent,

Gregorius
Nazianzen.
ad Nicobulum
Pag. 959.

Nicetae Cho-
niatae histo-
riae laudes.

Historia vi-
tia perstrin-
git, virtutes
celebrat.

Historia fa-
cit immorta-
les.

habent, quia nihil est in rebus humanis præclarius aut magis expetendum. Adhæc ij quos monimenta historiarum complectuntur, quamuis mortales et obnoxij fati iam olim vitæ quasi pensum absoluerint, immortalitatis quodammodo fiunt composites. Nam prout turpiter aut honestè vixerunt, ita benè aut malè audiunt, ac animus quidem in locum suum abit, & corpus in primordia, è quibus compositum fuit, resoluitur, actæ autem vitæ ratio, siue sancta & iusta, siue nefaria & iniuria, obitusq; siue felix, siue calamitosus, clara historiæ voce prædicatur. Quamobrè haud ab re liber viuentium appellabitur historia, rerūq; gestarū descriptio, tubæ clāgor quo iam olim mortui velut è sepulchris excitati in medium producuntur.

Historia
liber vi.
uentium.

Quid proferri potuit præclarius, quid est magis cōsentaneum verbis Nazianzeni, qui dicit historiam esse conglobatam ac coaceruatam sapientiam, nempe ex gestis heroicis heroicorum virorum cōspiratam conflatamq;, ut scias, quid in vita facere, quid omittere debeas, quæ vitia auersari, virtutes quas imitari oporteat. Hæc enim est prima sapientia, quæ bona sunt & mala non solum discernere posse, sed illa ad sequen-

Historia
cōgloba-
ta sapien-
tia.

Prima sa-
pientia.

sequendum & fugiendum, prudenti iudicio eligere. Unde etiam tales personæ in historia producuntur, tanquam ad publicum spectaculum, in quo simulachra aspectabilia virtutum ac vitiorum incurrunt in omnium oculos, quò ex his fines bonorum & malorū absq; negotio quisq; perspiciat. Antiquorum enim hominum gesta, ut Gregorius Magnus inquit, nobis prophetiæ sunt. Et cùm multi multum egerunt, non tamen, ut Seneca inquit, peregerunt. Multum adhuc restat operis, multumq; restabit, nec ulli nato post mille secula præcludetur occasio adhuc adiyciendi. Reliquerant enim illi maiores fixa vestigia, quæ consequi cordatus quisq;, & si non maiora, similia tamen præstare poterit facta illustria & gloriosa. Atq; hoc est quod profert Nice-tas hic, historiam librum viuentium appellari, rerumq; gestarum descriptionem, tubæ clangorem, quo iam olim mortui velut ex sepulchris excitati in medium producuntur. Quod & de Historianostra, quæ est Sarmatica,

In Psal. 7.

Seneca Ea-
pistol. 64.
pag. 100.

Historia
Polonica
quz?

tica, Vandalica, Sclauonica, Heneta, verè di-
ci poterit. Eius enim clarissimis monumen-
tis testata consignataq; est antiquitas, & est
multis præstantissimis Historicis, qui gētium
origines & gesta perscrutati sunt, notissima
commendatissimaq;, quemadmodum testimo-
nijs grauissimis & antiquissimis luce clarius
demōstrauit: ita ut inter alias gentes maximi
nominis non immeritò numerari ac recenseri
debeat: idq; non modò antiquitatis iure, sed
& rebus præclarè gestis semper præsentī me-
moria, quæ ex his Maioribus, quos parte hac
prima exarauit, liquidò patet: ex quibus Prin-
ceps quilibet habet quas imitari virtutes, &
quæ vitia vitare debeat. Et habemus exem-
pla mirabilium Domini, quæ enarrare debe-
mus omnes ex hac stupenda prouidentia Dei,
qua regnum hoc latissimum amplissimum ac-
creuit, Regesq; ipsi ab hominum memoria ad
tantum Maiestatis fastigium euecti sunt,
Respublica varijs temporibus iactata, & vix
non submersa sæuissimis bellorum procellis
quomodo

Historia
Polonica
cur scri-
batur.

quomodo emerferit, & in optimum statū di-
uinitus sit reposita, constituta, & constabili-
ta. Cuius sunt euidentia argumenta, quæ pro
ingenij mei, mihi à Patre nostro cælesti cō-
cesso, modulo, in hac prima descripsi parte:
& magis ac magis id elucebit in reliquis tri-
bus partibus, quas DEO volente, & bonam
vitam ac quietā largiente, descripturus sum.
Ita ut hinc nobis certò persuadeamus, Deum
Opt. Max. huius tam potentis Regni curam
semper ab ipsius incunabulis habuisse, illud
promouisse, amplificasse, auxisse, dilatasse,
& ad hoc tempus, quo regnat Sereniss: &
potentissimus Rex noster, SIGISMVN-
DVS III. Rex hæreditarius Suecia, Fa-
gellonis illius maxima & florentissima gen-
tis Lituanicæ inclyti Principis, post Regis
Poloniæ potentissimi, augustissima proles,
sartum & tectum conseruasse, & ut diutiùs
conseruare dignetur, ardentibus votis oran-
dum est. Orandum inquam, Nam flagellum
Domini propter atrociam peccata nostra exci-
tatum

tatum, nobis maximè metuendum est. Nuncq̄
toto animo & studio in hanc curam incumben-
dum, ut ab omnium ciuium huius Regni cor-
pore, ipsa ope diuina amoueat, ne DEO
ipso magis irritato, seuerius sæuiat. Dicerem
Prophetarum Dni. Consilia, quæ plena sunt
prudentiæ, esse capienda, sequendaq̄. Hanc
igitur primam Regni iam iam florentissimi
potentissimiq̄, descriptionis partem, Celsitu-
dini tuæ, illustrissime vir, dedicare & offerre
statui. In primis, propter hanc illustrem di-
gnitatem & honoris amplitudinem, qua inter
alios Senatores, Patres conscriptos, qui in re-
gno sunt publici consilij Domini celeberrimi,
decoratus es, tuaq̄ prudentia, studijs ac meri-
tis es ipsi regno commendatissimus. Idq̄ & ex
hoc splendore familiæ Celsitudinis tuæ anti-
quissimæ, quæ longa semper serie Regno huic
viros præclarissimos & florentissimos sup-
peditabat, tam Ecclesiasticos, quàm Politi-
cos, quos percensere singulos, iam non puto
esse operæ precium, cum in conspectu sit vir
pruden-

prudentia & meritis Regni eminentissimus
Illustris Dominus, Dominus HIERONYMUS,
Comes à Rozdrzew, Episcopus Kuiauiensis
& Pomerania, frater Celsitudinis tuæ pa-
truelis, vir honore & nomine maximè con-
spicuus. Alius quinimò DEI beneficio dabi-
tur etiam locus, cum arborem genealogiarum
regum Polonia, Magnatum, Procerum, No-
bilibium, Ciuium, Ciuitatum præcipuarum ere-
ctam & consignatam, diuino mihi astipulante
numine, cum digna & debita quorumuis lau-
de, in lucem proferam. Deniq̄ non minùs
auget mihi dedicandi animum, singularis li-
beralitas & beneficia hæc, quibus studia &
labores literatorum hominum, qui optimè pa-
triæ tam celebri, parenti omniū nostrum dul-
cissimæ, cupiunt, ex hac benedictione DO-
mini, qua diuinitus tua Celsitudo locupletata
est, largiter promouere consuevit. Nec du-
bito meum hunc laborem tuæ clementiæ gra-
tum & acceptum fore, interea dum partes
alias DEO opitulante paro. Oro autem præ-
potentem

potentem DEVM, Dominum cali & terræ,
vt Celsitudinem tuam, vnâ cum illustri ac no-
bilissima coniuge CATHARINA, filia ex
generosissima item familia PEtri de POtu-
lice, Palatini Calisiensis, Senatoris specta-
tissimi, fratris in Domino defuncti, Stephani
de Potulice Palatinidis Brzestensis, patroni
quondam mei omni memoria dignissimi, nec
non & cum Celsitudinis tuæ dilectissimis ac
spei optimæ liberis, diu multumq; florentem
& incolumem conseruare ac tueri dignetur,
ad nominis sui gloriam, Regniq; huius decus
& ornamentum, tuæq; Celsitudinis stirpis fe-
licissimam, ad omnem memoriam, propagatio-
nem. Hæc faxit omnia ille, qui est Deus to-
tius cōsolationis & pater misericordiæ. Da-
tum Torunij Regia in vrbe. Anno Christi
IESu M. D. XLVI. Decemb die xvij.

Tuæ Clementiæ

addictiss.

ERASMVS GLICZNERVS
Christi Iesu seruus.

ERASMI GLICZNERI
CHRONICON.
REGVM POLO-
NIÆ REGNIQVE POLONICI,
AC IMPRIMIS DE GENTIS VERA
ac consentanea origine.



ANTEquam Catalogum Re-
gum omniū, gentis maxime
Polonæ recensuero, eaq;
quæ in descriptione illorū
necessaria esse arbitror, de-
lineaueo, operæ pretium est, vt originem
gentis ipsius, quam breuissimè exprimam.
Sunt viri grauissimi, qui gentem Polonam
Henetos esse statuunt, vt & nos certo per-
suasum habeamus, Polonos Henetos populos
esse. Qui verò populi Heneti fuerint, te-
stimonia de illis antiquissimorū historicorum
producenda sunt: illorum præcipuè, qui &
tempore, & fide, veritatem historiæ obtinue-
runt, Primus itaq; occurrit Homerus Isaia
A Prophe-

ORigo
gētis Pol
lonæ.

Heneti
populi
qui.

Propheta coetanens, qui ita de Henetis pronunciat.

Homerus Paphlagonibus autē præerat Pilamēnis dēsum cor
Iliade 2. Ex Enetis vbi mularum generatio, agro colendo
pag. 99. idonearum.

Sic Appollonius in Argonautico carmine:

Appollo Paphlagonum quibus vt fama est Eneteius olim
nius lib. 2 Iura Pelops dixit primus, Pelopisq; vetusta,
pag. 108. Nunc quoq; Paphlagonēs iactant se stirpē creatos.

Herodo- **Herodotus** quoq; hæc in verba. **Leges**
us lib. 1. **vero** quæ constitutæ, ab ipsis hæ sunt: **Vna**
pag. 92. **quidem** prudentissima. **Altera** autem
(quantum ego sentio) qua Henetos ex Illy-
rijs audio vti per singulos pagos.

Lib. 5. **Et idem in Terpsichore:** **Horum fines**
pag. 336. proximè accedere ad Henetos, qui sunt in
Adria.

His consentit Flavius Iozephus, ex Dei
Iozephus **populo Historicus, cuius hæc sūt verba:** **Go-**
lib. 1. an- **mer** habuit tres filios, **Aschenaz** quidem
tiquitati **Ascheneseos** instituit: qui nunc **Regini** vo-
Iudaica- **rum,** **pag.** **cantur** à Græcis. **Riphat** autem **Riphæos,** qui
11. c. 11. **dicunt** Paphlagonēs. **Intelligit** autem **Iozephus**

zephus Paphlagonas, ipsos Henetos, Paphla-
goniæ primarios & antiquissimos populos,
quemadmodū **Strabo** attestatur in sua **Geo-**
graphia inquiens. **Id** maxime in confesso est,
primariam Paphlagonum gentem fuisse **He-**
netos, è qua fuit **Pilamēnes,** quem & plu-
rimi ad bellum fuerunt sequuti: qui eversa
Troia, amisso duce, in **Thraciam** abierint,
vagatiq; deinde in **Venetiam** peruenerint.
Quos sane Henetos, idem **Strabo** scribit à
bello Troiano per totum orbem dispersos fu-
isse, hæc in verba: **Æneam,** **Antenorem,** &
Henetos, atq; in vniuersum eos qui à bello
Troiano per totum orbem terrarum dispersi,
vagatiq; sunt, æquum est inter priscos recen-
seri. Et in locis alijs idem **Geographus** mul-
toties huius populi mentionem facit, **lib. xij,**
potissimum vt vnum adhuc testimonium ad-
feram **Mæandrius** Henetos è **Leucosyrijs**
profectos, **Troianis** in bello opem tulisse ait,
inde cum **Thracibus** auectos, sedes posuisse,
in Adriæ sinus Angulo. **Subiungo** huic

A ij

Titum

Strabo li,
12. **Geo-**
graphiæ
pag. 373.

Geogra-
phiæ li. 1,
pag. 26.

Lib. 1.
pag. 32.
lib. 4,
pag. 117,
lib. 12.
pag. 377.

Titum Liuium Historicorum principem, cuius de Henetis testimonium, hoc est, casibus varijs Antenorem cum multitudine Henetum, qui seditione ex Paphlagonia pulsi, & sedes, & ducem Rege Pylamene ad Troiam amisso, quærebant: venisse in intimū maris Adriatici sinum. Eadem de hisce Henetis refert Messala Coruinus in lib. de Romana Historia, ad Octavianum Augustum hisce verbis scribens: Antenor inter cæteros comites Henetorum, multitudinem numerosam secum duxerat, qui Paphlagonia orti patria pulsi exules ad Troiam, quæ bello tum elaborabat, concesserunt. Hi in proxima finitimorum prædia, longè lateq; diffusi, quia multitudine cuncta compleuerant, ex se gentibus nomen dederè, & Venetiæ regio dicta.

Facit & horum mentionem Cornelius Tacitus, lib. de moribus Germanorum, cum eos & Sarmatas, & mutatis quibusdam literis Venedos appellat, suoq; tempore eos vicinos Germanorum, iam in hisce oris nostris Polonicis

Titus Liuius historiarum ab urbe condita, lib. 1. pag. 2.

Messala Coruinus lib. de Romana historia.

Corn. Tacitus lib. de moribus Germanorum p. 110

Polonicis fuisse scribit. Sed & Ptolomæus sua Geographiæ lib. iij. hæc in verba. Tenent Sarmatiam maxime gentes Venedæ per totum Venedicum sinum, ipsos Venedos vel Henetos Sarmatas antiquo vocabulo appellans, siquidem in locis hisce Sarmatiam Europæam ponere sit solitus, in quam Heneti longè lateq; suas colonias deduxerunt. Hæc de Henetis breuia vetustissimorum historicorum sufficiant. His subiungo ea quibus nostris temporibus, auctores grauissimi, nominis Germanici, Polonos ex stirpe hac profectos esse asserunt. D. Philippus Melancthon hæc in verba: Notissima est appellatio Riphæorum motium, de quibus etsi quid alij scribant non ignoro, tamen in illa parte Septentrionis hæc appellatio celeberrima fuit, in qua fuerunt Sarmatæ, & inter Sarmatas Heneti, sicut Ptolomæus inquit: Sarmatarum gentem maximam Henetos esse. Nomino autem Henetos omnes, ubicunq; confederunt qui lingua Polonica vtuntur, etiamsi dialectis differunt.

A ij

Et alia

Ptolomæus Geographus l. 3. p. 79.

Sarmatæ antiqui vocabuli Henetorum.

Philippus Melancthon li. 1. Chronic; pag. 27.

Et alia, Progressi autem Heneti in litto-
re maris Euxini, compleuerunt magnam par-
tem lateris Arctoi in Europa, & adhuc tenent
eas regiones, quae nunc nominantur *Russia,*
Lituania, Polonia. Et lingua, & nomen, *Ve-*
netæ regionis, ad sinū Adriaticum ostendunt,
Henetos in Illyricum & vicinas regiones
progressos esse, siue ab Antenore eò ducti sunt
ex Asia, siue cum iam in Europa essent, pau-
latim alijs occasionibus ad meridiem proces-
serunt, in terras mitiores minus frigidas, &
frugum & vini feraces. Inde effusi sunt in
has regiones inter *Vistulam* & *Albim*.

Et lib. ij. celebrata est gens, apud Ho-
merum & Herodotum. Postea Ptolomæus
inquit: Henetos maximam Sarmatarum gen-
tem esse, ut hodie *Russiam,* & *Poloniam* te-
net, & magnam Regionem à *Vistula* ad *Via-*
drum & *Albim*.

Tertio quoque libro eadem refert, inquiens:
Ptolomæus scribit, Henetos esse gentem
Sarmatiæ, compleuerunt enim magna spacia,
qua

quae nunc nominantur, *Russia* & *Polonia.*
His alia subiungit. Quanquam autem in
dialektis exigua dissimilitudo est, tamen
eandem originem esse harum gentium consen-
saneum est, *Illyricæ, Polonicæ* & *Boemicæ,*
& nostrorum Henetorum, & alibi loquen-
tium eadem lingua.

Alia verba habet consona alio in loco,
Equidem suum cuique iudicium permitto, sed
tamē Ptolomæi descriptione moueor, & ipsa
appellationis vetustate, ut *Vandalos* gentem
Sarmaticam esse existimem, quos vocamus
Venden. Nec mirū est etiam antiquissimis
temporibus, *Sarmatas* qui saepè mutare sedes
solebant, in viciniam effusos, Germanis ad-
mixtos esse. Sunt autem varia illius vnius
gentis appellationes, quarum aliqua sono non
multum discrepant, *Venedi, Fenni, Vandalis,*
alibi *Sclawy* vocantur. Uniuersam hanc
gentem ab Henetis ortā esse iudico, quos He-
rodotus affirmat, ex Asia egressos in *Illyrico*
consedisse. Ab his Henetis & ora Italiae
Venetis

De voca-
bulis Re-
gionū &
gentium.

Vandalis
gens Sarm-
matica.

Venetia dicta est. Egressi autem vel ex Illyrico vel ex ipsa Asia compleuerunt vicina loca ad Septentrionem vbi nunc sunt Poloni.

Poloni Asiaticam humanitatem referant.

Quare adhuc aliquid humanitatis Asiaticae referunt, & plurimum differunt figura corporum, ingenijs, moribus, victu, à vicinis Scythijs, cum quibus perpetua bella gerunt. Nequaquam igitur illis assētior qui affirmāt, seu Polonos, seu Vandalos, seu Venedos, seu Sclauos, Scyticam gentem esse, sed ab Henetis propagati regnarunt, & in Illyrico & in Sarmatia, & Respub. magno consilio constituerunt. Magna eorum in remilitari industria, magna virtus est, nec deest eis scientia domi regendae Reipub. in Imperijs iustitia & aequitas, amor religionis & pudicitiae, in patris fides, ingenia habent sanè Græcū quiddam referentia, eo quod in Asia vicini Ionū, in Illyrico Græcarum fuerunt disciplinarum capacia, & in primis arguta. Colunt studia literarum etiam nobiles, earumq; cognitionem in laude ponunt, & magno sibi vsui esse in Respub.

Polonorum maxime virtutes & indoles.

Repub. ducunt: Quid cogitari dissimilius naturae Scythicae potest, quam haec sunt quae recensui? Credamus igitur his argumentis, quae testantur, Venedos ab Henetis ortos esse, & admodum probabiles coniecturae sumuntur à nominibus & linguis. Hic & nomē & lingua congruunt cum illius gentis in Illyrico appellatione & lingua, quare eadem origo est. Hæc Philippus Melancthon, homo Germanus, vir doctissimus, de origine vera Polonorum & de moribus eorum, quos antiquissimam gentem, honestissimis moribus excultam, bellicis studijs deditam, in optimo regimine Reipub: prouidam ac solertem, quae iustitiam, fidem, disciplinam & studia bonarum literarum colat, pleno ore fatetur.

His omnibus suffragatur Gaspar Peucerus in suis Chronici Philippi complementis, parte iij. lib. iv. potissimum. Georgij Sabinii Brandenburgensis viri doctissimi, alia de eadem gente profero, Sic scribit: Non
B dubium

vir peruen
Arimur ini
quishma
thicus
Stowem: nequa
plugawy heretyk

Gaspar.
Peucerus

Georgius
Sabinus
Brandeb.

in Episto.
la ad Sta-
nislauum
Dziada-
sum.

dubium est Polonos Henetam gentem esse, qua & in Asia vicina fuit genti omnium laudatissima & cultissima Ionica, & postea duce Antenore, in Europam ducta, propinquas Graeciae sedes in Illyrico occupauit, ac tenet etiamnum annos ad hoc tempus, post bellum Troianum circiter bis mille sexcentos, inde progressi, Septentrionis oram ad Istulam compleuerunt. Haec de Henetis obscura sequor indicia, Gentium origines praecipue ex appellationibus & lingua iudicando. Quos verò hodie dicunt Venetos seu Venedos, hos esse Henetos ostendunt appellatio & locus. Nam Henetos in Illyrico, ubi manet appellatio Venedorum, consedisse affirmat Herodotus. Deinde linguam Polonorum congruere cum Illyrica manifestum est, & multarum urbium appellationes cognationem cum Polonis ostendunt. Haec Sabinus, & verè & sufficienter Polonos gentem Henetam esse asserens. Si quis plura hanc in rem scire velit, legat medicum illum Curæum in

hic Curæus, quam inquit Polonos, dat liquet ex Chronico isto inquit Annalibus quod non tam in hanc gentem Silesiam quam in odium et contemptum Nationis Polonae compulsum. vide si lubet in eadem metum de hoc Chronographo videri iudicium.

Annalibus Silesiorum, qui secutus suorum popularium iudicium eadem de Polonis pronunciat. Sed & Cromerus noster non obscure idem sensisse videtur, cum de origine Polonorum scribens, Sclauos, Venedos, Polonos, & cognatos & Sarmatas esse dicit, harumq; gentium omnium & nationum, qui Sclauico & Venedico nomine cęsentur, communem originem esse asserit. Atq; haec sunt breuissima, quibus euidenter testibus locupletissimis ostendi, gentem primariam Polonorum fuisse, & esse Henetos illos celebratissimos laudatissimosq; populos. Restat ut & paucis quoq; indicem, de priscis huius populi sedibus, quando & qua occasione in has oras cōmigrarint, ut de nostrorum Polonorum in hisce oris & origine & cōmigratione aliquid certi & explorati statuere possimus. Atque hoc est omnium difficillimum iudicio, propter variam scriptorum in hac re historiam. Paucata tamen ea quae quantū quidem ego ex probabilioribus rationibus assequor, consentanea

Cromer
de origi-
ne Polo-
rum lib. I
cap 9. 11.
12. 16.
pag. 10.
12. 17.

Sedes anti-
quissi-
mae Hes-
netorum.

B ij

vero

vero de eo afferam, in quo nec prolixus nec
 curiosus esse volo, sequor communem ac pro-
 babilem sententiam: Heneti erunt Anatolici
 vel Asiatici populi, Ionibus, Graecis, popu-
 lis selectioribus praestantioribusque reliquis,
 contermini: qui post bellum Troianum, ut
 inquit Strabo, per totum orbem ferme dispersi
 sunt. Horum erant nationes & tribus nu-
 merosissimae, quae Illyricum cōplentes, abun-
 dante multitudine, alio colonias suas dedu-
 xere, & potissimum in Europa latè pro-
 gressi, etiam Boëmiam, Poloniam & partem
 magnā Sarmatiae, usque ad mare Balthicum
 occuparunt. Cum autem Herodotus scri-
 bat, populos hosce Henetos statim post belli
 Troiani tempora Illyricum inhabitasse, &
 Ptolomaeus testetur Sarmatarū, quos in hisce
 Polonicis collocat sedibus, maximam par-
 tem esse Henetos: eoque testimonio, suo iam
 tempore genus hoc hominū numerosissimum
 potētia & viribus praestās, fuisse innuat, cre-
 dibile est Henetos Polonos multis seculis
 tempus

Strabo
 Geogra.
 li. I. p. 26.

Herodotus
 li. I. p. 92.
 lib. 6.
 pag. 336.

tempus Ptolomaei, qui Adriani fuit Caesaris,
 aliorumque historiographorum antecessisse.
 Unde antiquitate hac moti quidā, ut est Al-
 bertus Craczius, in hisce Europae terrae par-
 tibus Sclauos, Vandalos, Polonos, & alios
 huius generis, ab hominum memoria, sedes
 suas tenuisse testantur, & ut nostrates Mie-
 chouius & Decius opinantur, aliquot cen-
 tum annis ante natum CHRISTVM
 Dominum, commoratos fuisse, ut eo pacto
 ante aduentum Lechi in has Poloniae oras
 Henetos, hoc est, Sclauos, Polonos, Vandalos,
 Polonorum cognatos, & congeneres, in hisce
 oris degisse, certò nobis persuadeamus. Nam
 Lechum posterius in eadem concessisse loca,
 cum maxima vi Henetum non aegrè conce-
 dendum est, idque à Danubio celeberrimo flu-
 uio Pannoniae, ubi primo profecti ex Illyri-
 co maiores eius consederunt, cum à Romano-
 rum colonia in Dacia vel Valachia, tutandi
 orientalis imperij ergo cōstituta, alijsque hosti-
 bus Longobardis & Hunnis ultrocitroque in-
 B ij festa-

Craczius
 in Vanda-
 lia lib. 2.
 pag. 36.

Miechos-
 uius in
 Chronic.
 ca. 5 pa. 7.
 & in Epi-
 stola ad
 Cricium.
 Decius in
 vetustatis
 bus Polo.
 pag. 9.

Sigismū-
 dus Hero-
 bestein in
 sua Mo-
 schouia
 pag. 2.

festarentur, usq; ad Istula loca, ubi suas certas & perpetuas, omine ac proposito fausto, fixere, ad habitandum & regnandum, sedes.

Curæus in
annalibus
li. 9. p. 25.
Quod autem Historicus ille Silesius scribit, post interitum Attilæ gentem Sarmaticam, hoc est, Polonam, ex illis amplissimis regionibus, quæ nunc habent nomen Russia vel Moscouia, ab ipso mari glaciali, usq; ad paludem Mæotidem, egressos fuisse, & hæc loca Regni Polonia, ab alijs populis deserta occupasse, in hisq; Regnū, subactis proprijs, qui supererant incolis, constituisse, maturo iudicio accipiendum est, cum & ipsi Germanici scriptores, ad paludem illam gentem Germanicam habitasse, huiusq; lingua longinquas gentes loquutas fuisse, gloriantur: unde constaret, non Polonos, sed Germanos hos populos fuisse, qui in hæc loca commigrarint. Sed hæc sunt huius scriptoris tanquam delirantium somnia, quemadmodum & alijs verbis, quæ scribit se ex historia Sigismundi ab Herberstein, accepisse, profert.

De origine Polon.
Curæi fo-
mania.

Mibi

Mibi, inquit, verisimilia protulisse videtur, vir omnibus vitæ ornamentis clarissimus, Sigismundus ab Herberstein, qui in Historia sua Moscouitica, in annalibus Moschorum, tradidit, olim ad nobilem urbem Kiouiam, ubi est confluens Neparis & Boristhenis, non longe à ripa paludis Mæotidis habitasse populos Ruthenicis, qui dicebantur Poloni, id est, campestres. Inde igitur procul dubio commota est maxima multitudo Sarmatica, quæ in nostra loca migravit. Sed quam fidam Historiam Moschouitæ habeant, non est iam necesse dispicere, cum præsertim gloriæ inanis cupidissimi, multa soleant comminisci, quibus obtinere fidem percipiunt, ut gentem suam clariorem reddant. Quare & vir ille celebris Herbersteinus, & ipse Curæus vanissime Polonorum originem Moschouiticam vel Russicam fuisse opinantur, ex illisq; paludibus Mæotidis profectos, loca, quæ Germanorum Curæus propria fuisse fabulatur, occupasse, & tunc primum novum regnum in his consti-

constituisse fingit. Quæ omnia nos in præcedentibus & sequentibus argumentis, quibus veram gentis nostræ originem delineauimus, refutauimus: eo potissimum, quod Poloni ab hominum memoria, in his terris in quibus iam latissimè dominantur, habitauerint, & ipsis Germanis, Silesijs, Misnësis, Pomeranis, ut ex probatis historijs liquet, ante multa Attylæ tempora imperauerint, de quo ut fusius scribam, non est operæ precium, cum præsertim & ipsius Philippi Melanchthonis hoc testimoniū euidens habeam, qui ita scribit. Ego quidem existimo Henetos etiam ante Gotthica tempora mixtos fuisse gentibus Teutonicis, quia Dion expresse scribit, Albim oriri in montibus Vandalicis. Hocq; ex probata constat historia, in exercitu Atij Ducis Romani, Sarmatas cōtra Attylam militasse: quo euincitur, ante multa Attylæ tempora Sarmatas, hoc est Polonos, in his oris in quibus iam dominantur, degisse, nec primum post Attylæ tēpora, ut Curæus sōniat, in illas cōmigrasse.

Lib. 3.
pag. 224

Dion Ro.
manæ hi.
storiæ lib.
55. p. 336
Jordanis
lib. rerū
Geticarū
pag. 621.
Otto Fri-
sius Chro-
nic. lib. 4.
c. 26 p. 86

Quantū

Quantum vero etymon nominis Polonici concernit, peregrinum non affecto, sed proprium assero: dictam Poloniam ad differentiam aliarum prouinciarum, & populorum imperij Sclauonici, qui ob loca & cāpos, quos incolebant, diuersa sortiebantur nomina: ut dicerentur vel Drewlanie lignosi à lignis: Trawianie graminosi à gramine, Kassubijanie rugosi, à rugis & plicis vestium, alij Pomerani, quod maris littora incolerent, alij Slesitæ, à promiscuis habitatoribus, de quibus vulgò dicunt Poloni, je sie flegli / Boëmi, Poloni, Germani, & id genus alij. Quod & Caspar Peucerus non diffitetur, in-quiens: nomen gentis vel collectitiam multitudinem significat, nomine à conuenis facto, quos Sbigneus nothus Casimiri Primi filius accitus, contra fratres à Polonis exulibus, adduxit in Silesiam, ex diuersis gentibus Germanis contractos. Ita Poloni dicti à campis patentibus & planis, quos incolebant, uenationi potissimum, quæ genti Pole dicitur

Polonia
vnde di-
cta.

Caspar
Peucerus
l. 5. Chro-
nicorum
pag. 832.

C

studentes,

Venatio
bellica
meditatio

Xenophō
de institu
tione Cy
ri, lib. 8.
pag. 162,
& l. i. p. 4

studentes, non tam quæstus quam exercitij
causa, ut quemadmodum erant bellicosi, ita
venatione sese ad facultatem bellicam assue-
faciebant. Est enim venatio rei bellicæ me-
ditatio verissima. Quemadmodum de Cyro
apud Xenophontem legimus, qui exercitatio-
nis bellicæ gratia, suos ad venationem edu-
cebat. Hæc enim apud Xenophontem ex-
tant de eo verba: in his exercendos arbitra-
batur, quod venationē duceret, tum uniuersa
bellicarum rerum exercitationem esse, tum
equestris rei verissimā. Nam ad equitandum
in quibusuis locis aptos maxime reddit, quod
fugientes feras sequi necesse sit, & habiles
efficit maxime ad quoduis opus ab equis
proficiendum, propter ambitionem & cupi-
ditatem capiendi feras: Et alia. Cōsuefacit
etiam ad surgendum diluculo, & ad frigora
caloresq; perferendum, atq; etiam ad itinera
& cursus exercet. Præterea sagittis iacu-
lisq; bestiam petere necesse est, ubicunq; inci-
derit, sæpè etiam acui animum in venatione
oportet,

oportet, obijciente se feroci aliqua bestia, nam
quæ offerunt sese bestia, feriendæ sunt, ab
ijs cauendū quæ in venatione irruunt. Adeoq;
non facile, quis reperiat, quidnam eorum quæ
bellum habent, à venatione absit. Polonos
igitur à venatione quæ ipsis Pole dicitur,
dici non est absurdum, cum rei bellicæ omni
tempore erant studiosissimi. Sed hæc quoq;
sufficiant, ad Reges regnumq; Poloniae pro-
pero. Numerantur Reges à LECHO
vsq; ad hodiernum Regem SIGISMVN-
DVM Tertium, xlvij. Ex quibus xvi.
gentiles fuere, reliqui à Miecislavo Christi
nomen professi sunt. Quorum omnium Ca-
talogum subiiciam, & in quatuor partes di-
geram.

PRIMA PARS REGVM

POLONIAE.

- 1 Lech.
- 2 Visimier.
- 3 Palatini duodecim.
- 4 Cracus.
- 5 Lech Secundus.
- 6 Venda virgo.

C 2

7. Pas

Catalo-
gus Regū
Poloniae.

- 7 Palatini Duodecim.
- 8 Przemislaus vel Lescus primus aurifaber.
- 9 Lescus Secundus plebeius.
- 10 Lescus Tertius.
- 11 Popielus Senior.
- 12 Popielus Iunior.
- 13 Piaſt ciuis Cruſuiceniſis.
- 14 Zemomislaus.
- 15 Lescus Quartus.
- 16 Zemomislaus.

Hi omnes gentiles erant & cultui demonum dediti. Sequuntur Christiani.

PARS SECUNDA REGVM
POLONIAE.

- 17 Miecislaus.
- 18 Boleslaus acer Chabry.
- 19 Miecislaus.
- 20 Cafimirus Primus.
- 21 Boleslaus Secundus.
- 22 Vladislaus Primus.
- 23 Boleslaus Tertius, Distortus nomine.
- 24 Vladislaus Secundus.
- 25 Boleslaus Crispus.
- 26 Miecislaus Senex.
- 27 Cafimirus.
- 28 Lescus albus cum Helena matre.

- 29 Vladislaus Laſſonogus.
- 30 Boleslaus Pudicus.
- 31 Lescus niger.
- 32 Henricus probus.
- 33 Przemislaus.
- 34 Venceslaus Boëmus.
- 35 Vladislaus Lokietek.
- 36 Kafimirus Magnus.

TERTIA PARS REGVM
POLONIAE.

- 37 Ludouicus Vngarus.
- 38 Vladislaus Iagello Magnus dux Lituaniae.
- 39 Vladislaus Iagello filius.
- 40 Cafimirus.
- 41 Ioannes Albertus.
- 42 Alexander.
- 43 Sigismundus Primus.
- 44 Sigismundus Secundus Augustus.

QUARTA PARS REGVM
POLONIAE.

- 45 Henricus Valeſius, dux Andius, Gall' iuuenis
- 46 Stephanus Transyluaniae Princeps, ex nobilissima Regia Bathoreorum de Somlio familia Vngarica.
- 47 Sigismundus 3. Rex Suæciae.

DE PRIMO VT FER-
RVNT POLONIÆ REGE
LECHO.

FERVNT cōmuniter LECHVM
primum gentis Polonæ fuisse geni-
torem, & Regni Polonici effectorem, verum
hi nimis mihi aberrare à verò videtur. Mul-
tis enim ostendi potest, ante hunc Lechum
Polonos in his vbi iam resident locis, commo-
ratos multiplicatosq; fuisse, qui citra vnius
imperium summum, plebeiaq; libertate, vt
Procopius Casariensis testis est, Rempub:
administrabant, res omnes quæ vel utiles vel
difficiles essent in commune consilium dedu-
centes: quod tamen succedente tempore, &
necessitate postulante, vel ad vnum, vel plu-
res selectos suo ex ordine & corpore heroes,
referre consueuerant. Deinde in sedibus
hisce vetusest, & vt Cranczius perhibet, ab
hominum memoria, Sarmatarū, qui non alius
est atq; Polonicus populus, habitatio: Gra-
uissimi

Sclauorū
R. P. an-
tiqua.
Procopi
Casariē:
lib. 3. de
bello Go-
tor. pag.
144.

Crancius
in Vada-
lia lib. 2.
pag. 36.

uissimi enim & vetustissimi scriptores ho-
rum faciunt mentionem: vt cum Berofus scri-
bit Tuisconem Germanorum & Sarmatarum imperium in Europa condidisse, credibile est,
Polonos illorum Sarmatarum reliquias exi-
stere, cum in Germania ipsa à multo hoc tem-
pore, & post susceptum Euangelium Chri-
sti, quod efficienter postea declarabitur, im-
perauerint, & autores ipsi Germanici, Ita-
liciq;, hos Sarmatas, qui ab illo Iectami filio
Asarmethe, vt vult Moses, & Berofus, &
in Berofum cōmentator Amnius Viterbien-
sis sunt progeniti, non alios atq; Polonos fuisse
fateatur. Auentinus nostri seculi Historicus
peritissimus, in hæc verba Sclauorū Sarmatarum, hoc est, Polonorum vetustatem euin-
cit, quæ ad obtinendam huius fidem profe-
ram. Docet enim gentem hanc, & tempo-
ribus Alexandri Magni regna sua florentia
habuisse, & quorumlibet hostium arma non
extimuisse, cum animo excelso & armato, cum
ipso minaci ac arroganti Alexandro egerint,
eig

Berofus
lib. 4. 5.

Gene. I. I.
Berofus
lib. 4. 5.

Auentinus
annalium
Boiorum
l. I. p. 62.

Sarmata;
rū Polo.
norū ad
Alexādrū
Magnum
legatio.

eiq; legationem liberam destinarint, huiusmo-
di. Adfuerunt & Germanorum orientalium
(quos Sarmatas & Scythas scriptores rerū,
nos Venedos; ipsi se Sclauos vocant) ora-
tores, hos ita locutos accepimus. Si Deus
auiditati tuæ par corpus dedisset, orbis ter-
rarum te non caperet, altera manu orientem,
altera occidentem contingeres. Et hoc asse-
quutus, scire velles, vbi Solis fulgor abscon-
deretur: Sic quoq; cōcupiscis quæ non capis,
ab Europa petis Asiam, ex Asia transis in Eu-
ropam. Deinde si humanum genus superaue-
ris, cum syluis & niuibus, & fluminibus,
ferisq; bestijs, bellum gesturus es, Arbores
magnæ quæ diu quidem crescunt, vna hora
extirpantur: Leo quoq; minimarū auium pa-
bulum est, & ferrum rubigo consumit, nihil
tam firmum est, cui periculum non sit etiam
ab inualido. Quid nobis tecum est? nun-
quam terram tuam attigimus, qui sis vnde
venias, licetne ignorare in vastis syluis pa-
ludibusq; viuentibus? nec seruire vlli possu-
mus nec

mus nec imperare desideramus, Gloriaris te
ad latrones persequēdos venire, omnium gen-
tium quas adisti latro es, iam etiam ad pe-
cora nostra auaras & instabiles manus porri-
gis. Impone felicitati tuæ frenos, facilius
eam reges, si DEVS es, tribuere mortali-
bus beneficia debes, non sua eripere. Si au-
tem homo, es id quod es semper te esse cogita.
Nos Asia & Europæ custodes habes, vtriq;
imperio tuo finitimos, hostes an amicos velis
esse considera. Hæc Auentinus, ex quibus
vetustas Polonorum prouectior, quàm ab ad-
uentu Lechi asseritur, illorumq; armatus ani-
mus & præsens, in Alexandri insolentiam de-
pingitur. Strabonem Geographum nobilissi-
mum non est operæ precium ad cōprobendam
hanc Polonorum antiquitatem me adferre,
hic enim vixit tempore illo acceptabili &
die salutis, quo CHRISTVS generi ap-
paruit humano, & factus est nobis à DEO I. Cor. I.
iustitia, sapientia, redēptio, & sanctificatio,
quo tempore hic Strabo & de Henetis &
D Sarmatis

Cornel.
Tacitus
li. de mo-
rib' Ger-
manorū.

Sarmatis gentis nostræ maioribus plurima quantum assequi potuit in scriptis relinquit. Cornelium Tacitum, Equitem Romanum, huc repono, qui anno post patet factum Christum lxxv. de Germanis scribens, Sarmatas illi adiungit, utrosq; mutuo metu separatos fuisse scribens. Quos quidem Sarmatas ipsi Germanici viri doctissimi in suis in Cornelium commentarijs, utpote Althamerus Glareanus, Iodocus Villichius, & alij Polonos fuisse interpretantur, ex quo constat gentem Polonam in hisce Sarmatarum oris ante Lechum Regem sedes suas habuisse. Huc tempus illud commemorandum est, quo Marcus Antoninus decimusquartus ab Augusto imperator Romanus, cum varijs gentibus, & cum Sarmatis bellum maximo cum periculo sui exercitus gessit, & illud providentia quadam Dei, ut Orosius scribit, confecit. Hos vero Sarmatas Germanicus Historicus Auentinus testatur fuisse Polonos & Moravos, cum inquit: Deinde ad conficiendum

Orosius
l. 7. c. 15.

Auentin.
lib. 2. an-
nalij, pa.
160.

dum bellum Marcomannicum, conuersus triennio cum Quadis, Marcomannis, Sarmatis bellauit. Connitebatur Marcomanniam & Sarmatiam, hoc est, Boëmiæ & Polonia regnum prouincias facere. Cum autem huius belli annus à Christo seruatore fuerit clxxxiv. palam est Sarmatas Polonos ante Lechum regnasse. Ulterius non est quod progrediar in hac obtinenda Polonorum antiquitate, cum & Cromerus ipse affirmet, Lechum huc ad Polonos venisse, non nouas colonias deductentem, sed ad consanguineos populos, qui iam ante loca hæc inhabitabant, se conferentem. Quod & Blondus Historicus insignis & grauissimus, hisce explicat verbis. Locutionis similitudo ac penè proprietates, ostendit, eos qui nunc Poloni ac Boëmi dicuntur, ex Sclauorum reliquijs fuisse. Incoluerant autem prius, ut supra diximus, ea loca Vandali, quos credendum est, quando ad Romanorum inuadendas prouincias sunt profecti, partem gentis in patria reliquisse. Quare

Dij Sclau

Cromer.
I. I. Chrō.
pag. 18.
cap. 16.

Blondus
Decadis
I. lib. 8.

Sclavi, paulo post superuenientes, ita loquutiones commiscuere, ut ex utraq; tertiam effecerint: qui pro regionis & ducum diuersitate, partim Boemica, partim Polonica post modum sit dicta. Ex quibus omnibus patet, Lechum non fundatorem, nec progenitorem, sed promotorem ac administrum gentis Polonae extitisse.

Unde autem venerit Lechus iste, astipulatur etiam Cromerus his, qui ex Croatia Illyrica, iam Turcica prouincia, eum comigrasse, dicunt, nec incredibile est, id quod antiquitatis fama & consensu celebratur, Lechum siue Lachum illum cum fratre Ciecho e Croatia in has oras venisse. Et alijs verbis: Quid si autem Ciechus & Lechus, non peregrini ad has oras venerunt, sed ad suos reuerterunt, unde vel ipsi vel parentes, maioresue eorum in Croatiam profecti erant. Conuenientissime igitur proferunt Dlugossus Miechouius & ille Ludouicus Decius in suis Poloniae vetustatibus, hunc ex arce Psari in Sclauonia sita,

Lechus
vnde in
Polonia
venerit.
Cromer-
us lib. 1.
de Repu.
Polo. ca.
16. p. 18.

sita, in has ubi est Polonia, oras concessisse, quod equidem sentire, cuius absurdum est minime.

Quando vero hoc factum sit, non adeo assequi est difficile, si modo his fides, qui certum tempus aduentus eius adnotant, adhibeatur. Is est annus DL. post Christum seruatorem natum Dominum nostrum, qui ut ex historijs liquet annus fuit imperij Iustiniani Magni Caesaris xxij. Colligitur autem tempus hoc partim ex autoribus fide dignis, qui hoc summo studio perscrutati sunt, ut est Fulsteinius, Vapouius, Cromerus & alij: partim quod eo ipso tempore in hisce Polonicis locis imperium Sclauorum latius extendi & constabiliri super gentem Germanicam captum sit. Motus etiam varij & funesti, inter Sclauos ad Danubium, ut testis est Procopius, eo tempore commorantes, agitabantur, qua tempestate credibile est Lechum malis & calamitatibus domesticis turbatum ac pressum in Poloniam, qua etiam turbis multis

Quo tem-
pore Le-
chus in Po-
loniam ve-
nerit.

D ij

vexata

vexata & afflicta, virum prudentem ac potentem requirebat, commigrasse, & ad imperij eius gubernacula sedisse.

Principia & virtutes Lechi in imperij sui fundamentum pietate iacere cepit, a Dijs suis gubernationis suae capiēs primordia. **Principia & virtutes** Lechi in imperio Polonico promouedo. **Pietas.** Sciens enim Deos non modo religiosis factis,

Pietas. sed & castis sacrificijs delectari, illis ritu eo quo cōsueuerat, sacrificauit, quo & suum populum de religione admoneret, regnūq; sibi &

Prudētia. posteris suis constabiliret. Quo factō prudētiam tanquam rerum agēdarum regulam exploratissimam, & quae ut Plutarchus inquit, ut plurimum bonam fortunam donat, & est aliarum virtutum principium, Philone teste, inter suos maximam declarauit, cum praecipuas familias quas adduxit, suis praeficeret locis, ceteram multitudinem in colonias per loca varia & vacua distribuens. Et comperitum habens viuere non posse fortem, nisi sint qui terram colant, unumquemq; rem familia-

rem

rem curare, agros colere diligenter monuit, Rempubicam tanquam domum paternam administravit: subditos non secus ac liberos & propinquos paterno affectu gubernans, magna clementia in eos usus, quo ei libentius parent, ac manere apud ipsum in periculis semper vellent, ipseq; securus in gremio cuiuslibet dormire posset. Ius ex aequo omnibus dixit, quod tamen arbitria eius erant ipsis legibus cōuenientissima, ad quae assequenda palatium eius omnibus patebat, cū ipse omnes & audire & causas illorū cognoscere fuerit paratissimus, ita ut nullus de iustitia exhibēda iuste cōqueri, nec in talem principem quicquā aduersi moliri potuerit. Et sciēs quoq; principē nō oportere solidā dormire noctē, vigilans & attentus fuit in Reip. cōmodis adipiscēdis augēdisq;, & incōmodis propulsandis: tali fortitudine praeditus, qua regionē suam bene instructā, ab hostibus quibuslibet tueri expectatissimus esse queat. Unde etiam proditū literis habemus, eū longē & latē imperiū suum protulisse, nō modo inter suos Henetos & Ger-

Reipub.
admini.
stratio.

Vigilātia

manos finitimos populos, Silesios & alios,
apud quos maiores Polonorum imperium ha-
buisse sciebat, sed & alios superiores Ger-
manos ad Rhenum usq, fines Urbis Coloniae
contingentes, in quibus arcem à suo nomine
Lechnick vocatam, tanquam extremam suae
militiae & imperij sui columnam firmissimam
extruxit. Quae ratione imperium eius non
usq, adeo pacatum & quietum fuisse credi-
derim, cum illi incumbere cum multis qui
eius imperium detrectarēt, decertare. Gessit
igitur multa bella dexterrimè felicissimeq,
de hostibus saepius triūphans, idq, non solū in-
genti suorum conscripto exercitu, sed etiam
ipse solus in duello, cū Regulo quodā Theu-
tonici generis, ad quod, suorum salutem suae
preferens prouocauerat, congregiens: & vi-
ctor de illo opima spolia referens, Regiam
suam non procul à Silesiis & Prutenis collo-
cauit, ciuitate & arce extructa, quam Gniez-
no vocabulo Sclauonico, quod nidum latinis
sonat, appellauit, vel ab aquilis regijs au-
bus, quae

bus, quae eo loci felix ac faustum imperium
Lecho nunciaturae conuolarant: unde etiam
insigne Regum Poloniae deriuatum, huc usq,
in usu esse videmus, vel quod ibi nidum aulae
suae regniq, totius constituerit. Arx autem
& ciuitas fuit rudi ex materia, manijs non
ferreis sed terreis, ut docuit quidā, munita.
Quod & de priori Roma accepimus, quam
Augustus Caesar terream se accepisse, lapide-
am reliquisse, aiebat. Quod ut scribit Dion
Augustum dixisse magis, non ob elegantiam
aedificiorum, sed ob firmitatem imperij, ita
Lechus ciues suos fide ac virtute armatos
pro manijs ac propugnaculis firmissimis ha-
bebat. Erant etiam tunc Poloni simplicitate
& rudi rudimento, ut Tacitus de vici-
nis Germanis scribit contenti, apud quos nec
caemeteriorum, nec tegularum quidem usus fuit.
Quemadmodum & de ipsa Roma legimus,
quae per quadringētos annos, usq, ad Pyrrhi
bellum domos rudi cemento constructas, &
stramento contextas habebat. Ita antiquitus

E

Poloni

Regia Le
chi Gne
zna ciuis
tas Pri-
maria.

Insigne
Lechi az
uis Regia
aquila.

Dion lib.
51 p. 361.

Cornel.
Tacit. de
moribus
German.
lib. p. 205

vide sic ne gentium
to fimbriar. Poloni
dilectuerit.

Poloni
antiquit
non ma
gnificas
des extru
ebant.

Poloni non magnificis vel splendidis domibus se ornabant, sed sua dignitate & factis heroicis domos suas cobonestabant, natura ipsa illud perpendentes, quod non domo dominus, sed domino domus sit honestada. Talis igitur Gnesno ciuitas fuit, ad usum tantum Regni necessarium non ad splendorem exaedificata. Quae quidem vetustissima superest adhuc hodie eodem in loco, eo tamen felix, quod, ut inquit Dlugossus regni Poloniae historicus, cum alias plures vrbes Polonicas parturierit, se ipsam exinaniuit. Habet tamen quam plurima & hoc tempore, quibus memoriam suae pristinae dignitatis ac splendoris, cum magna laude refricare & reuocare potest, cum metropolis totius Regni Regumque priscorum Regia fuerit, illorumque cineres terra tanquam operimento matris obductos habeat, tam Ethnicorum, qui fortia & illustria facta gesserunt, & Regnum Poloniae ampliarunt, quam & eorum qui mysterijs sacrosanctis initiati sunt, acceptumque Regnum a maioribus suis conseruant.

seruant, quodque haec ciuitas veteribus tutissimum profugium fuit, omnium consultationum tempore omni pacis bellique. Haec ciuitas fuit prima, in qua primordia religionis Christianae, & quidem simplicia coeperunt. Rex primo lauacro regenerationis ablutus, veterem hominem deposuit & nouum induit, quod & toti Regno diuinitus conferebatur. Auxit & auget dignitatem ciuitati huic Templum augustissimum & antiquissimum, cuius Praeses iam est, vir maximi nominis STANISLAUS KARNKOVVSKY, in Regno Poloniae tenens principatum omnium Episcoporum, & est Primarius, vel Princeps Senator Regni, vir gloria clarissimus, & auctoritate grauissimus, vir prudens, consilio, iudicio, studijs & meritis in Repub. Polona praestantissimus, viuit ad summam senectutem, satur dierum, omni memoria dignissimus. Habet etiam haec ciuitas sui nominis Castellatum, qui iam est hoc tempore Illustris vir DOMINVS IOHANNES de Zborow: Graudziacensis, Odalonouiensis,

*VVolpiensis, &c. Capitaneus, de Republica
 Regni tam pacis quam belli tempore optime
 meritus. Accedit nundinarum ^{cap. vii. yugis} cele-
 bratissima, in qua ex remotissimis regionibus,
 Varij generis merces aduehuntur tanquam
 thesauri, ex quibus & Regnum & alia lon-
 ginquæ nationes, & opes colligunt & dite-
 scunt. Nec ipsi ciuitati desunt ciues boni &
 prudentes, statum suæ Reipub. qua possunt
 industria saluum ac sanum cōseruantes. Quæ
 omnia cum antiquitate huius Urbis collata
 maximum eius splendorem enunciant, ac eti-
 amnum in conspectum omnibus statuunt, ne ita
 vilis & contempta hoc tēpore videatur, atq;
 cum esset à Lecho primo Rege instituta &
 ornata. Sed ad Lechum ciuitatis huius fun-
 datorem primū redeo. **Redditus** hic princeps
 habuit amplissimos, subditis omnibus regni
 amplissimi, eos hilari ac beneuolo animo, Ul-
 tro, non coactu aliquo legum vel indictionum
 præbentibus, ex quibus non modo ipse Rex
 cum necessarijs suis viuere honeste ac splen-
didè,*

Redditus

*didè, sed & Rempub: pacis & belli tempore
 prouehere conseruareq;, iustitiam in Regno
 administrare, insuper in omnes benemeritos
 liberalitatem exercere potuit. Erat enim Le-
 chus liberalissimus, qui ne unum diem elabi
 patiebatur, quo non beneficium aliquod in
 benemeritum aliquem collocasset. Et ad red-
 ditus hosce persoluendos, nummus erat inco-
 gnitus, cum omnia citra pecuniam permuta-
 tione rerum comparabantur. Et quidem mo-
 re antiquissimo Græcis, Germanis, Homero &
 Cornelio Tacito testibus, vsitatissimo, de quo
 & Lycurgi legem apud Iustinum legimus,
 vt non pecunia, sed compensatione mercium
 singula emerentur. Quæ tempora, Plinio at-
 testante, feliciora fuisse certum est, cum
 nummo incognito, voluntaria rerum permuta-
 tione, vinculum humanæ societatis consta-
 bat, atq; hæc nostra sunt, quibus nummorum
 fraude, maximam rerum iacturam in Regno
 Polonia inuectam experimur, attestante Cro-
 mero, cuius hæc sunt verba: Deterior nunc
 esse*


Liberalli-
tas.

Homerus
 Iliade 7.
 p. 269.
 Cornel.
 Tacitus
 li. de mor-
 rib' Ger.
 pag. 203.
 Iustinus
 li. 3 p 45.
 Plin. l. 33
 cap 1. pa.
 459.

Crom. li.
 de situ mo-
 rib' Reg.
 Pol. f 20.

E ij

esse fertur reliqua moneta, cum ponderis di-
 minutione, tum aeris admixtione. Vixit hic
 Lechus gentis Poloniae Rex, sine dubio ad
 multam aetatem prouectus, prolem multam
 post se relinquens: & moriens, ut secum opti-
 mam spem ferat, mansura fundamenta Rei-
 pub: quae ipse iecerat semper integra, ita
 suos posteros commendabat, ut imperio Re-
 gni digni praeficerentur, primasq; in eo partes
 teneret, aetate & rebus gestis senior, consen-
 su omnium sanxerat. Quibus omnibus ritè
 peractis imperium cum vita commutauit,
 subditis omnibus luctu & merore gra-
 uissimo mortem eius prose-
 quentibus.



DE

DE VISIMIRO EX

POSTERIS LECHI, REGE.

QVAM diu apud Polonos posteri Lechi po-
 Lechi po-
 steritas
 quam diu
 durauit.
 Lechi regnarint, literis vetu-
 stioribus nullis proditum habe-
 mus, posterioribus tantum cõsignatum tempus
 CL. annorum legimus, usq; ad hunc Visimi-
 rum, quem vltimum ex stirpe Lechi fuisse asse-
 runt. Hic est ille Visimirus qui in Daniam
 Visimiri
 bella cum
 Danis.
 usq; arma Polonica extulit, magnamq; partem
 Danici imperij, rege Siuardo profligato, di-
 tioni suae subiecit. De quo cū ipse Crantzius
 Albertus
 Crantzius
 in Van-
 dalia li. I.
 p. 11. 12.
 Danicus scriptor, mentionem faciat, eius ver-
 ba, maioris testimonij causa, adferam. Re-
 gnabat, inquit, in Danis Siuardus, multum
 à paterna probitate degenerans, cuius con-
 temptu Vandali id ausi, Lutiam tantam pro-
 uinciam vastare sunt aggressi. Adu-
 uabat illos tempus quod Regem iam NOR-
 VAGICO bello sciebant implicari. Illud
 quoq;

Illud quoque fortuna illorum accesserat, quod cum illi grassarentur in Lutia, rex laceris agminibus victus magno praelio redibat. Magnis tamen itineribus cum eo quod reliquum erat agmine contendit in Lutiam, ut obuius fieret Vandalis grassatoribus. Illi vero ubi audierunt properare regem, periculo suo prospicientes, cautiores in reliquum incedere curabant: nam creato ex se duce bellum redintegrabant, ferro flāmisque undique saeuientes. Occurrentem Daniae regem aggressi apud Fioniam praelio excipiunt & superant: eundemque vires reparantem in Lutia offendunt, praelium instaurant, fugant superantque, provinciam sui iuris faciunt, ex hoc die latius imperantes, Filium regis Iarmericum praelio captum, cum gemina sorore in partem praedae abducunt. Sed quoniam apud veteres Venetia fuere coniugia, magno pretio alteram ex captiuis Daniae Regis filiabus, Noruagiensium duci viro primario vendunt, alteram in Germania simili sorte distrabunt. Hac Cran-

tzius

tzius de Visimiro. Addunt alij hunc duas vrbes ad littus maris Balthici cōdidisse: alteram Vismariam à suo nomine appellatam, Dantiscum alteram à Danis deuictis, quas etiam absque dubio contra Danicos incursum, voluit esse Regno Poloniae certa & firma quaedam propugnacula. Et apparet ex vestigijs quibusdam historiae Danicae, hunc regem diu multumque Marte vario cum Danis bella gessisse, & Rempub. Polonam summa cum laude & emolumento gubernasse. Quod autem Poloni bella cum Danis multa gesserint, non tantum Crantzij quem adduxi, monumenta testantur, sed etiam ipse Germanicus scriptor Peucerus, ut alios omittam, testimonio est, cum inquit: Sarmatas Henetosque, perpetua in illo littore maris Venedici, bella gessisse historiae testantur, & monumenta quae supersunt. Reualiam enim incolae adhuc hodie Danopil sua lingua vocant. Et Gedanum, cui eruditorum coniectura Codani appellatio vicina est, arcem Danis oppositam, Henetorum lingua significat.

Urbes à
Visimiro
conditæ.

Peucerus
lib. 4. hi-
storiae in
Hérico 6.

E

Est

Urbes
maximæ
in Prussia
Dantiscæ
Toruniæ
& Elbingæ,
Regno Po-
loniæ uti-
lissimæ.

Est igitur verò consentaneum, hanc urbem
Dantiscum sua fundamenta à Regibus Polo-
niæ accepisse, maximumq; propugnaculum in
littore maris Baltici, Regno Poloniæ contra
maritimos hostes extitisse. Sed si iam Visi-
mirus ad vitam reuocatus cõtemplaretur vr-
bis huius hodiernam amplitudinem, splendo-
rem, dignitatem, copijs omnibus circumflu-
entem, diuino & humano iure munitam, am-
plissimo magistratu, prudentia rerum claris-
simo, & ciuium bonorum ac fortium stupenda
abundantia affluentem urbem, regni Regumq;
Polonorum obseruantissimam, quæ sit non mo-
do firmissimum ac tutissimum præsidium, in
littore maris Regno Poloniæ, sed in omni cõ-
tinente ab omnibus hostibus, insuper quod sit
thesaurus, ex quo totum Regnum necessita-
tes suas subleuat, urbs florentissima, ut &
reliquæ duæ eiusdem dignitatis & splendoris
in Prussia, Torunium & Elbinga: certè Vi-
simirus magno gaudio perfusus, maximo sem-
per amore urbem hanc prosequeretur, defen-
deret

deret, conseruaret, ampliaretq;, nihilq; prius
& antiquius haberet, atq; ut hæc urbs pa-
cata, propter bonum publicum regni flore-
sceret. An vero Visimirus prolem aliquam
habuerit, quoque mortis genere è viuis exces-
serit, incertum est. Uxorem eius Saxo Hi-
storicus commemorat, quam ab Iarmerico ca-
ptiuo, fraude insigni obtruncatam fuisse di-
cit, ipsumq; Visimirum Regem flammis ab
eodem Iarmerico furtim regiam eius incen-
dente, absumptum scribit. Sed ipse Crantzius
hanc de tali Visimiri & eius uxoris morte
narrationem, ineptam & vanam esse iudicat.
Nos non tam ipsam mortem, atq; gesta præ-
clara Visimiri inquirimus, cum plerumq; vi-
ros maximi nominis, sua post præclara faci-
nora, vario genere mortis extinctos fuisse le-
gamus, nec aliter ante actam vitam splendi-
dis trophæis ornatam, quam funestis euenti-
bus, fortuna sic cadente, traducere consue-
uisse, cuius exploratum esse, non ignoremus.

F ij

DE

DE DVODECIM PALA-
TINIS POLONIÆ DVCIBVS.

Extincta stirpe Lechi, Poloni Gnesnam creandi noui magistratus causa cōfluunt, & vel ob fastidiū vel sœuitiam depulsa vnius dominatione, ad optimates gubernacula Reipub. transferunt. Hic videre licet, Polonos Electionem noui magistratus semper liberam habuisse: cuius fontem ac fundamentum fuisse plebeiam illam imperij gubernationem facile concedi debet, qua primitus propter iuris æquabilitatem, & consilia cōmunia, vt testis est Procopius, vsi sunt. Post aliarū gentium mores sequuti, ad vnum summam rei referebant. Deinde offensi vel negligētia, vel tyrannide vnius, cœtum optimorum virorum deligebant, eo quod ex optimis viris sciebant optima existere consilia. Quibus cum omnibus summā potestatem pacis & belli tempore permittebant, sibi ipsis eligendi & creandi magistratum novum semper re-

Electio
nouī re-
gis libera
semper a:
pud Po-
lonos,

per relinquebant. Quam consuetudinem & illū Lycurgum in *Repub. Spartana* lege firmasse legimus, cū Regibus potestatem bellorum, magistratibus iudicia, & annuas successiones, senatui custodiam legum, populo sublegandi senatum vel creandi, quos vellet magistratus, potestatem permisit. Maiores itaq; illi gentis Polonæ, hac libera & propria electione noui magistratus freti, viros præstantes ætate & iudicio graues, inter alios integritate morum, & rebus gestis conspicuos, duodecim eligunt, & diuiso in totidem partes imperio, unicuiq; suam prouinciam regendam demandant. Magistratum huiusmodi credibile est Polonos illos mutasse, vel ab antiquissimis illis Ægyptijs, Persis, Hebræis & Græcis, qui Regna sua in duodecim tribus distributa, per duodecim præfectos principes gubernabant. Quam quidem gubernationem absq; dubio ex duodecim Planetis, qui suo caelesti regimine xij. anni menses conficiunt, effinxere, vnde etiam xij.

Iustinus
li. 3. p. 45.

Electio
duodecim
Palatinorum.

Electio
magistratus, duodecim Palatinorum vnde.

F ij

Deos

Deos cōmentī sunt, & iisdem vestigijs regna
sua in xij. partes diuisa, per xij. lectissimos
duces administrare sunt soliti. Tabulas quoque
legum xij. Græcos Athenienses legimus ha-
buisse, quas Solon per xij. etiā annos apud va-

Herodotus p. 12.
lib. 1.

Valerius lib. 5. c. 3.
pag. 271.

Gellius l. 2. c. 11.
& lib. 20.
cap. 1.

rias gentes peregrinando, ut Herodotus testis
est, cōquiserat. Quemadmodū & Moyses in-

stinctus Spiritus S. vniuersam gentē Hebræorū
in xij. tribus partitus est. Et duodenarium nu-

merū maximæ semper religionis apud omnes
gentes fuisse cognoscimus, quē modū & Chri-

stum mundi seruatorem in sua Repub. Aposto-
lica obseruasse, comperimus. Cultissimam igitur

prudētia & rerum maximarum experien-
tia præditam gentem illam primariam Polo-

nam fuisse, certo cōstat, quæ & se ipsam rege-
re, imperium suum promouere, Remque pub.

suam aliquando fluctuantem subleuare, alia-
rum gentium utilibus ac commodis vestigijs

insistēdo, potuit. Scribunt hos duodecim Pa-
latinos ab initio fuisse strenuos & fideles Rei-

pub. custodes, qui priuatis commodis negle-
ctis,

Gens Po-
lona anti-
qua culti-
ssima, in
guberna-
tione Rei-
pub. prur-
dens.

ctis, solam curam imperio promouendo gna-
uiter impendebant. Iustitiæ cōseruandæ cau-
sa leges quasdam promulgarunt, voce solum
modo ac consuetudine, non scripto compræ-
bensas, consilia statuto tempore habebant, &
in deliberationibus nō acumine certabāt, sed
veritatem verbis simplicibus & paucis can-
dide declarabant: suffragia non tam numerā-
tes, atque ponderantes, pacem & tranquillita-
tem domesticam in primis promouebāt, ne per-
turbatione & cædibus mutuis Poloni vexa-
ti, hostibus exteris, occasionem incursionem
faciendi, & regnum ipsum inuadendi ac de-
predandi, præberent. Ideoque etiam, si qua ex
hoste aliquo oboriebatur difficultas, illorum
erant partes, de belli summa deliberare, exer-
citū in bellū educere, & omne negotium ad-
uersus hostem subire ac explere: unde etiam
Voiwodowie lingua Polonica, hoc est, du-
ces belli vocabantur. Postea vero cum à
natura facilis sit morum conuersio, proce-
dente tempore, tali imperio elati, iam non
nihil

Duode-
cim Palas-
tinorū res-
gimen re-
gniprimo
feruidū,
post tepis-
dum.

A natuæ
facilis mo-
rum con-
uersio,

nihil de studio Reipub. remittere cœperunt, otia magis & voluptates, atq; labores conſectantes, ſuaq; priuata commoda publicis præferentes. Quisq; principem locum tenere, & in ſententia dicenda vincere voluit, vnde ad ingentia odia inter ſe euadunt, ex odijs factiones trabunt, ex factionibus cædes & bella ciuilia acerba commouent. Ex inde ſibi quisq; viuere, nec vllum reſpectum ad duces hoſce male feriatos habere voluit. Hoſtes quibus antea nomen & arma Polonorum terrori erant, videntes malis hiſce inteſtinis Poloniam diſtrahi, occasione accepta, eam inuadunt, & damna ingentia ferro & flamma inferunt. Cũ autem nullum finem horum malorum experiuntur Poloni, Palatinis iſpis in propulſandis hiſce minime idoneis exiſtentibus, ruruſum magiſtratum hunc abrogare, & Palatinos hoſce publica hac dignitate abdicandos decernunt, de aliquo viro vno præpotenti, qui in integrum Rempub. Poloniam reſtituat, cogitantes. Scribunt magiſtratum Palati-

Palatinorum horum ad L. annos ſtetiſſe, cuius ſimulachra etiamnum in Palatinis hodiernis Polonicis cõſpiciuntur, maxima cum Maieſtate & ſplendore Regni, eiusq; commoditate.

CRACVS QVARTVS REX POLONIÆ.



Onuentu igitur Gneſnæ factõ, Poloni Palatinos magiſtratu abire iubent, & ſi quidem rem communem dilapſam habebant, conſultant grauiter, quo pacto hæc recolligi poſſit. Conuertunt iterum animos ſuos ad vnius imperium, & talem diſpiciunt virum, qui fundamenta Reipub. concordiam & iuſtitiam, ſanctè ſapienterq; conſeruatus ſit. Offertur exemplo vnus ex iſdem xij. Palatinis Cracvs nomine, vir omni genere virtutum ornatus, copijs ac opibus affluens, quem ad faſtigium huius maieſtatis prouehunt. Habuit hic Cracvs ſedem omnium rerum & fortunarum ſuarum, ad montem Sarmaticum,

Fundamēta Reip. cõcordia & iuſtitia.

Electio Craci in Regem.

G

maticum, in regione versus Pannoniam, xiiij.
milliaribus à fontibus Vistulae sitam, qui si-
mul atq; hanc tam duram prouinciam sibi de-
mandari cognouisset, aperte recusare ho-
nores cepit, & se nolle tam grauisimum o-
nus subire, dicebat: & reluctatus multum,
ne nimium munus tam necessarium defugere,
& operam suam patriae collabente denega-
re videretur, cessit votis & necessitati vr-
genti. Electus igitur in regem, omnem curam
sarciendae Reipub. Polonae aggressus, dome-
stica mala primum tollere orsus est, Polonos
odijs, factionibus & cadibus distractos, in
pristinam concordiam reducebat. Iudicia &
horum praesides, ad quos causae oppressorum
deduci possent, legibus & decretis quibus-
dam latis, instituit, reliquaq; quae Rei-
pub. Polonae in rem fore putauit, magno cum
studio & labore, ea qua pollebat prudentia,
prospexit. Qua industria cum vulnera re-
gni tali prouidentia reficeret, ad ea quae fo-
ris factio fuit opus, animum & vires appulit.
Grassa-

Grassabantur ea tempestate Franci in Pan-
nonia, qui subinde etiam ipsam infestabant
Poloniam, hos Cracus collecta manu fortiter
repressit, profligauit, & à finibus, caesis
quam plurimis, repulit. Hinc alios vicinio-
res hostes aggressus, cum eis vel armis, vel
fœderibus societatem firmavit, ita vt non mul-
to tempore summam pacem ac trāquillitatem
regno pararet, vnde vacuus à curis & bel-
lis, nactus quietem aliquam, ciuitatem ad
Vistulae flumen, in loco vbi fortunas suas
locauerat, condidit, quam à suo nomine Cra-
cow appellauit: quamuis aliqui à coruis cro-
citantibus, qui tunc multi eum in locum ad-
uolarant, appellatam esse volunt. Arcem
etiam in monte proximo, **Wauel**, extruxit,
quam regiam suam esse voluit, quemadmodum
& ciuitatē ipsam Regni metropolim, Gnesna
veteri vrbe postposita, constituit. Quae quidē
vrbs ab exiguis profecta initijs, ita ciui-
bus optimis, magistratu prudentissimo, opi-
bus amplissimis, hominum maxima frequen-
tia,

vrbs Cra-
couia pri-
mordia &
incremē-
ta.

Eius cele-
britas,

Defensio
pervirum
magnū Io-
annē Za-
moisky.

tia, copia & affluentia omnium rerum, edi-
ficijs splendidissimis, disciplina & moribus cul-
tissimis, Reipub. administratione optima, qua
civium vita beata, opibus firma, copijs locu-
ples, gloria ampla, virtute honesta contine-
tur, hucusq; inclaruit, ut nulli urbium in Eu-
ropa secunda esse videatur: Urbs praterea
munitionibus est firmata & septa, quo se ab
hostium quorumvis incursione defendere tuto
possit. Cuius maximum experimentum in re-
centi est memoria, cum anno M. D. lxxxvij.
electionis ius legitimum Regis Sigismundi
Tertij iam feliciter regnantis, propugnaret
vir magnanimus fortissimusq; Iohannes Za-
moyski, Cancellarius Regni & Generalis Im-
perator ac Administrator exercituum Regni
Polonici, quo tempore cum militū adversæ
partis in Urbem impetum facientis propul-
saret propelleretq; resq; præclaras in ipso
conflictu gessisset, memoriam nominis sui con-
secravit sempiternam. Non desunt alia hu-
ius Urbis ornamenta maxima, cum in ea sit se-
des

des Episcopalis, quam hoc tēpore tenet Illu-
strissimus princeps de Olica & Nyesuis, Do-
minus Georgius Radziuil, Cardinalis S. R.
Ecclesiæ Tituli S. Sixti, vir magnus & al-
tus Reipub. Regni studiosissimus. Accedit
dignitas præstantissima, & in amplissimo Se-
natu Regni inter Palatinos ac Castellanos,
primaria Castellania Cracoviensis, qua iam de-
coratus est Illustrissimus vir, autoritate &
prudencia pollens Dominus Ioannes, princeps
Ostrogienensis, Palatinides Kijouienensis, utpote
filius Constantini Principis Ostrogienensis, Pa-
latini Kijouienensis, viri rebus præclare gestis
splendidissimi, copijs & opibus affluentis, &
omni laude cumulatissimi. Deinde Academia
viris eruditione præstantissimis, & stu-
diosorum frequentia celeberrima, de qua
Pauli Fouij maioris commendationis ergo,
adfero verba, Sarmatarum, inquit, regio Cra-
couia est, quam Vistula amnis interfluit, ibi
Mathematicorum studia maxime florent.
Publice enim literarum studiosi bonas artes
G ij docen-

Paulus
Iovius
lib. 13. his-
toriz, p. 229.
Celebris
tas Acade-
miæ
Cracou.

docentur, & imprimis supputare syderum
cursus, atq; inde temporum vices, incerta bel-
lorum, & in utramq; hominum fortunam ar-
cana fatorum aperire consueuerunt. Illo ve-
ro tempore, promouente Craco Regnum Polo-
nia, noua & cultiora construebantur tecta, &
in vastis nemoribus, ut vult Dlugossus noua
erigebantur coloniae. Huius Craci tēpore se-

Draco im-
mani spe-
cie, in Po-
lonia.

runt Draconem iubatū immanē ac terribilem
specie, in antro cauato & horrido, in quo arx
ipsa locata erat, latuisse: qui cum non modo
iumenta, sed & homines multos, fame premen-
te vorasset, nec vlla vi pelli necariq; posset,
arte vsus Cracus, vituli pellem, pice, sulfu-
re, & fomite incenso fartam, ad ostium antri
apponi iubet, quam cum bestia hiatu oris de-
glutiuiisset, & materia magis ac magis incen-
sa, interiora eius adureret, maximo cum cru-
ciatu & rugitu arcem quassante extincta

Obitus
Craci &
eius glori-
fica sepul-
tura.

est. Cum autem Cracus summa cum gratitu-
dine & laude domi & foris regnasset, vitæ
& imperij multos conficiens annos, egit su-
premum

premum diem, filios duos & filiam tertiam
post se relinquens, qui funus amplissimum de-
mortuo fecerunt, corpusq; uti ipse manda-
uerat, in monte Lassotino è regione ciuitatis
Cracouiensis, aggesto instar montis memoriae
sempiternae causa, tumulo humarunt.

LECH SECVNDVS

QVINTVS REX.



VM Cracus & Lechus fratres vna
cum VENDA sorore, iusta per-
soluissent paterno funeri, sermone dissemi-
nato sparsog; Cracum maiorem natu, in re-
gem eligendum: vbi Lechus ambitione fla-
grans, captare occasiones coepit, quibus re-
gnum fratri destinatum praeiperet, Et cum
ipso in viuis manente voti compos esse nequi-
uit, in necem eius animum intendit, ut quod
iure non potuit, scelere capessat regnum.
Paruo elabente tempore, venatum uterq;
exibant, vbi CRACVS prosilientem
feram

Electio
Craci
filij.

Si violan-
dū est ius,
regni gra-
tia est vio-
landum.

feram persequeretur, neque alio respiciebat
quam quò ipsa fugerat, equus eius impruden-
tius ab eo actus, in genua procubuit: quem ca-
sum Lechus frater spectans, vesanus & per-
citus accurrit, & fratrem hærentem iaculo
contorto sternit, membra eius in speciem mor-
sus feræ, lacerat & stramento contegit, &
actutum deplorans multis cum lachrymis,
tam funestum casum fratris scilicet, exponit
omnibus: in quo cum fidem obtinisset, ad
imperium assumptus est. Quo cum aliquo
tempore functus, primo rumoribus aliquibus
fratricidium eius detegi, post propalam ferri
ac traduci cœpit. Quod detestantes Poloni
cum alia ratione facinus hoc expiari non pos-
set, ipsum Lechum honore Regio exuunt, se-
dibus pellunt, qui sterilitate etiam à Deo pu-
nitus, eneruam ac frigidam vitam egit. Post
furiarum, quæ sunt speculatrices & vindi-
ces facinorum ac scelerum, agitatus ardenti-
bus tædis, angore conscientie & fraudis cru-
ciatu, absumptus est. Et hic primus fuit in

regno

Rex im-
pius Po-
lonis iusti-
am aman-
tib' inul-
sus.

regno Polonia, qui à splendore paterno dege-
neravit, nequitie sordibus imbutus, optimi pa-
tris pessimus filius, hic qui ius fraternum impe-
rij causa fratricidio violavit, dignitatem re-
giam apud Polonos semper intemeratam, scele-
re tanto funestavit, primusque extitit, quæ Polo-
ni, gens alioqui Regum suorum cupidissima,
obseruatissimaque, regno & sedibus spoliarunt
expuleruntque.

VENDA VIRGO CRACI FILIA, REGINA IN IMP. POL.

Magna perturbatio & luctus ingens Po-
lonos tenebat, ob duorum fratrum regia
stirpe prognatorum, tam miserabilem ac repen-
tinum interitum, unde etiam novarum perturba-
tionum causa queri videbantur, cum suspensi
ac incerti essent, quem nam dignitati Regie
præficerent, quo restinctis ac sublati omnibus
perturbationibus, optima Repub. frueretur,
videntes tamen Vendam Craci sobolem relictam
esse, virginem & forma & animo virili præ-
stantissimam, insigne regni illi offerunt, supre-
miq.

H

miq.

PRImus
rex ob fra-
trucidium
à Polonis
regno pul-
sus.

Electio
virginis
Vendæ
quæ Po-
lonis im-
perat.

Venda
regulum
quendam
nuptias
eius ap-
petentem
bello re-
primit.

Regulus quidam Rithigerus Saxoniae sine dubio, ardenti amore eius flagrans, eam per legatos in uxorem expetit, ratus per nuptias se quoque regno potiturum. Sed Venda prudenti excelsoque spiritu, se absque viro defungi imperio, in eoque praesse semper, non subesse velle, respondit, speque frustratos legatos dimisit. Quae cum Rithigerus accepisset, ob repulsam indignatus, bello Vendam cum regno acquirere decrevit. Accurrit igitur tanquam centum corpora haberet, maximo instructissimoque suorum popularium cum exercitu Venda, et illi regulo impotentes amores exprobrans, ad conflictum eum provocat, se Marte libidines eius cohibituram inclamans. Quam cum regulus plenam animi, plenam spiritus animadvertisset, monitus a suis ne ob libidines se et suos in discrimen conijciat, animo perculso et abiecto pugnam detrectat, et ob dedecus, vitam sibi acerbam esse putat. Cumque tam animo fracto carentique arbitrio suo esset, mortem sibi ipse conscivit. Quo facto, Venda victoria potita, fidem ami-

dem amicitiae cum Germanis sanciens, Cracoviam abscessit. Cum autem triumphum egisset, grata in Deos, quibus acceptam victoriam refererebat, his se ipsam sacrificij loco consecrat, persuasum habens, se hactenus satis Rempub. servatam et tectam conservasse, nec quicquam restare aliud, quam ut pro eius sempiterna salute, votum religionis suae qua tenebatur exsolvat. Atque ita in refertissimo celebratissimoque hominum conventu, spectantibus omnibus, virgo altissimi spiritus, Regina et gubernatrix tanti imperij, nihil morata honores et opes, spreto et abiectis omnibus illecebris mundi, in profluentem Vistulae se precipitem dedit. Facinus hoc stupendum quidem, et Venda, seculo illo gloriosissimum fuit, a pessimis tamen spiritibus profectum, qui natura crudeles, humanis victimis litari sibi volunt. Sic Iphigenia voto Agamemnonis patris immolata est. Et Graeci nece Polixenae litabant. Euripides etiam laudat Reginam Atticam quae volens exhibuit filiam, ut fieret hostia pro salute patriae.


Vendae
triumphus
de Ger-
manis.

Demens
sacrificium
Vendae,

Concedo ciues, victimam hinc abducite.
Ut salua sit victrixq; nostra Patria.
Nam filia vitæ, salutem publicam,
Immota stat sententia, antepone.

Ita idolatræ illi cursu sempiternæ gloriæ deliniti, nihil veriti sunt, voluntariam oppetere mortem, quod & Vendam apud priscos Polonos, gentilismo regnante, fecisse scribimus: cuius corpus ex aquis extractum uno ab vrbe Cracouia milliario, proceres Poloni terræ, more paterni sepulchri, in maximam altitudinem aggestæ & euectæ, mandarunt: Mogilamq;, hoc est, sepulchrum vocarunt, quo nomine in hodiernum usq; diem pagus eo loci situs, dicitur.

DE DVODECIM PALATINIS, ITERVM POST MORTEM Vendæ in Polonia regnantibus.

ttime mihi sentire illi videtur, qui conversiones Rerūp. naturales esse dicunt, quod & Cicero ex Platonis sententia comprobabat: nul-

Cic. lib.
de diuina
tione.

bat: nullus enim tam firmus & stabilis Reipub. status existit, qui non vltrocitroq; in gubernatione commutetur, cum vel principes Reipub. teneant, vel populi, aliquando etiam ex plebe summi aliquot delecti viri, quod quidem apud quasuis gentes sæpius accidisse, non ignoramus, Assyrijs præsertim, Persis, Græcis: & apud Romanos illos rerum Dominos, dignitates identidem mutatae sunt. Idem igitur Reipub. Polonæ accidit, cum vel à plebe ipsa, vel à Regibus, aliquando à duodecim Principibus viris, quos Palatinos vocant, regeretur. Quam conversionem Palatinorum præcipue bis contigisse legimus, semel Lechi stirpe extincta: secundo, post Vendæ felicissimum imperium: quo tempore administratio Regni iterum ad duodecim hosce Duces delata est, ea ratione, quod à prima horum institutione, semper in duodecim prouincias nationem suam Poloni distributam habebant: quarum semper duodecim viris præfecturam dabant. Unde cum ob diuersa

Regno
conversiones
natura-
les.

Palatinos
rū imperi-
um, & cur
vocabatur.

uersa

uersa multorum in ambigendo regno post interitum *Vendæ* studia, non possent vni decernere imperium, illud eisdem *Palatinis* dederunt. Cuius quidem negotia aliquanto tēpore illi non sine maxima *Reip.* utilitate obire videbantur, donec creberrimæ hostiles incursiones, domesticæq; seditioes ortæ, supra modum regnū affligebant, quibus retundendis, vires ducum remissæ sufficere nequibāt. Latrones enim quidā ex *Pannonia*, & *Morauia*, irruptiones frequenter faciebant, dānaq; multa regno inferebant, tēpore non modico longè & latè in Regno grassantes. Aduersus quos cum negligentius duces agerent, multi subinde de malis regni cōquerentibus, vir quidā plebeius, *Przemislaus* nomine aurificio victū queritans, militiæ tamen studiosus, vsus stragemate quodam, hostes illos securos & incautos, ad interneccionem deleuit, statūq; Regni afflictum ac lacerum restituit. Quem ob tam præclarū ac salutare beneficium, cōseruatorē patriæ vocarunt, regemq; suum futurum declararunt.

Hostes
Poloniā
infestant.

Ab auri
fabro pro
fligantur.

PRZE-

PRZEMISLAUS
VEL LESCO PRIMVS, OCTAVVS
POLONIÆ REX.

Vir, hic cui PRZEMISLAVM Przemif-
Poloni dixere nomen, communiter laus auri-
fertur plebeius fuisse aurifex, militaris ta- faber quæ
men, unde videre est à principio apud Po- fuerit.
lonos licuisse, plebeium quemquam milita-
tum exire, & strenue rem agere, præmiumq; Quæ occa-
dignum factis referre. Quæ vero occasione sione rex
ad fastigiū Regni prouectus fuerit, sic acci- electus.
piendum est. Eius tempore Regnum Poloniæ
innumeris malis cum per seditiosos ciues, tum
per hostes accerrimos *Morauos* & *Pannonas*,
fuit distractum. Quibus, cum in maxima
rerum amissione, desperationeq;, nullus esset Eius pa-
qui obuiam ire vellet, ipse maiora, quam vi- trix defē-
res eius ferebant, & animo concipere, & ma- sio.
nu moliri orsus est, voluntarios milites, qui
omnem cogitationem & curam in *Rempub.*
afflictam posuere, coegit instruxitq; quam
pluri-

Stratage,
ma Prze-
mislai.

plurimos, quos cum in insidijs collocasset, ipse cum paucis noctu exploratū hostes adit, quos cum securos & incautos animaduertisset, ad suos redit, victoriam in manu esse nūtians. Ibi ex vna parte è regione castrorū hostiliū, galeas quam plurimas, ex corticibus arborū cōpactas cōfectasq; in arborū frondibus appēdit, ut eo modo speciem aliquam instructi exercitus hostibus obijciat, dispositis insuper hisce in locis lectissimis militibus, qui hosti in conspectum prodirent, & clamore terrerent. Ipse ex parte altera cum non contemnēda sociorum manu, in abditis abstrusisq; locis manet. Oriente itaq; sole, milites ex locis galearum appensarum clamore profuso, Moravos & Pannonos perterrefaciunt, qui correptis armis absq; ordine confusi, recta in loca illa feruntur: quæ cum galeis innumeris referta esse conspexissent, rati exercitum latere, subsistunt. Quo momento à tergo Premislaus in castra impetum facit. Illi ex vtraq; parte putantes se maximis exercitibus circumseptos,

septos, maximo timore perculsi, omnes se salute desperata, in fugam conijciunt, quos Premislaus insequutus, acriter cedit & profligat, ita ut vix vnus incolumis euaderet. Potitus itaq; hac victoria, castra socijs diripienda tradit, illisq; spolia & prædam omnem distribuit, ipse contentus sua virtute, qua hostes fudit fugauitq;, & regnum in libertatem vindicauit. Milites illi admiratione ducti tam prudentis ac fortis viri, ubiq; eum gloria & prædicatione efferebant, suadebantq;, ut si regnum sartum & tectum habere velint, regem eum cōsalutent. Quo proposito perturbati Palatini, quib. administratio Regni ex vsu fuit maximo, Premislai famam existimationemq; minuunt, iusq; nobilitatis auitum in eligendo nouo rege iam explicatū, perturbare impedireq; conantur, vicit tamen tota nobilitatis consensio, Premislao in ducem creato, quem paruum Lechum suo Sclauonico vocabulo Leszek nūcuparūt, eo quod veluti primus Lechus, regnum lacerū ac pro-

Victoria
de hostib.

Electio in
Regem.

I ij

stratum

stratum sua industria releuarit. Fuit igitur hic Princeps omni virtutum genere ornatus, cui ad tenendam Rempub. nec prudentia, nec fortitudo, adeoq; nec amor fidesq; ciuium, unquam defuit. Quoad dixit, terrori semper hostibus fuit, & dignitate regia absq; ullis impedimentis perfunctus, diem suum, nulla prole relicta, obiit.

Guberna-
tio Regni
felic.

Vlti-
ma
finis.

LESCVS SECVNDVS

REX NONVS.

POST obitum huius Lesczek, noui turbidi motus in Polonia concitantur, ex electione potissimum noui principis, quam difficilem & lubricam in magnoq; labore positam experiebantur. Multi enim, vel plebeia communiq; potestate Remp. regi, suadebant, alij iterum Palatinorum administrationem restitui auebant, & alij, qui vnus dominatum ceteris omnibus anteferebant, ambitione immoderata laborabant, nullo modo ad vnum

Electio
Regis Po-
lonis libe-
ra, sed dif-
ficilis fuit.

ad vnum aliquem spectata moderationis virum, vota sua concordi voce conferre volentes: qua animorum varietate horumq; sollicita contentione, rem periculosissimam in regnum inducebant, seditione atq; discordiam. Quod malum cum in regno serperet, manaretq; latius, ne ad extremum ipsam Rempub. pessumdaret, viri quidem moderatioris ingenij, solius R. P. amore sortibus tanquam diuino quodam nutu, electionem Principis peragi persuadent. Quod consilium tanquam oraculum quoddam caelitus prolatum amplectuntur omnes, sortesq; cursum æquorum maculis conspersorum deligunt: ut qui primus ad metam præfixam peruenerit, regno potiatur. Locum igitur curriculi in campo Cracouensi, versus Prammik amnem deligunt, in quo statuam corona & sceptro redimitam, ad quam equis contenderent, locant, diemq; tam magifico certamini præstituunt. Inuentio certè pleni ac exquisiti consilij hæc fuit, qua imperij potiundi modum appositissimi declarabant.

Res peris-
culosissis-
ma in re-
gno sedis-
tio & dis-
cordia.

Modus e-
lectionis,
cursus e-
quorum.

Herodot
1.3. p. 223

Cornel.
Tacit' de
moribus
Germano
rū. p. 204.

bant. Equorum enim opera res maximi mo-
menti, viri nomine ac honore illustres cōficere
cōsueuerunt, quemadmodū & de Dario legi-
mus, qui equi beneficio regnū obtinebat Per-
sicum. Et Corn: Tacitus Germanos in diui-
nationibus equis vsos fuisse scribit, hæc in ver-
ba: Propriū gentis equorū quoq; præsgia ac
monitus experiri, publice aluntur iisdem ne-
moribus ac lucis candidi, & nullo mortalium
opere cōtacti, quos pressos sacro curru sacer-
dos, ac rex vel princeps ciuitatis comitan-
tur, hinnitusq; ac fremitus obseruant, nec vlli
auspicio maior fides, non solum apud plebem
sed apud proceres, apud sacerdotes. Quod
autem nō promiscuos, sed punctatos ac varie-
gatos equos huic curriculo destinarant, cau-
sam subesse puto, splendorem ac amplitudi-
nem regni, ad quod assequendum equis tam
selectis, ac equitibus splendidis, opus fuit ma-
ximè, vel certè ob religionis reuerētiam, qua
solem in certamine effulgentem, equis ei sa-
cratis tam selectis ac splendidis, propter re-
gni cur-

gni cursum felicem ac faustum, honorarent.
Antequam igitur dies dicta certamini ad-
uenisset, quidam cupidus Regni, fortunæ dif-
fidens, dolo & fraude certamen conficere
statuit. Viam curriculi determinatam fer-
reis clavis, primo quoq; tempore, nocte concu-
bia, hinc & inde confixit, herbaq; congesta
contexit atq; abdidit, vno tamen spatio inte-
gro relicto, quo cæteris in stadio retardatis,
ipse pernici cursu statuam primus contingat.
Et ne ipse inter currendum actum equum læ-
deret, soleas ferreas solidas in eius vngulas
induxit. Quod tamen nec latere diu nec illi
ex animi sententia cedere potuit. Duo enim
iuuenes homines infimi, post præsentē machi-
nam, die sequēte in illud curriculum descen-
dunt. In quo cum animi relaxandi causa sta-
dium currerent, pedibus cōfixis & lasis frau-
dem præsenferunt, quam tamen ad ipsum pu-
blicum certamen cælarunt, vt autore insidia-
rum aperto, ipsi fortunam aliquam expe-
riri stadio iam sibi cognito, possent. Atq;
igitur

Dolo ne
an virtute
Regnum
quæredū.

igitur cum praestituta certamini die omnes
candidati, spectantibus quam plurimis, in ha-
renam equis splendidis descendissent, alter
prafatus iuuenis altos spiritus concipiens, pe-
des ad statuam quoque, omnibus tanquam va-
nissimum conatum eius deridentibus, conten-
dere decreuit. Cumque citatis equis cursu nite-
rentur, omnes laesis equis vel subsistere, vel
excussi humi haerere sunt coacti, ipso fraudis
artifice illaso ad statuam cum gaudio aduo-
lante, quem mox iuuenis ille subsequutus est.
Qui, cum eques ille coronam sceptrumque pra-
benderet, regisque nomine compellaretur, alijque
de equis laesis grauiter quaererentur, fraudem
omnem noui regis in apertum produxit, cla-
uos ex terra euellens commonstrat, monet ut
artificium videant. Rem enim nefandam esse,
ut, quod sortibus diuinis propositum regnum
fuerit, fraudibus & maximo suorum aequa-
lium detrimento, a quoquam parari debeat. Ado-
lescentem hunc quem antea ludibrio habe-
bant, benigne & attente audiebant omnes.

Perqui-

Perquirunt de clauis accuratius, his omne
curriculum oppletum inueniunt. Rex addu-
citur nouus, quod equum illaso habuerit,
ex unguibus calcibus ferreis munitis, depra-
bendunt, tramitem quoque, quo ipse currebat,
vacuum clauis cognoscunt. Atque omnibus ar-
gumentis fraudis ab eo patratae probe con-
quisitis, violator sacrosanctarum sortium iu-
dicatus est, quem equis discerptum membra-
tim disseuerunt: ne vero aliquid de diuino
nutu attenuare minuerem, videantur, iuue-
nem illum qui pedes secundus ad statuam Re-
giam peruenit, regem creant, splendoremque
Regio in urbem uehunt, Lescumque nomine
regio compellant, ad eius genus infimum, nul-
lam offensionem atque fastidium habentes, vol-
uentes illud maxime quod vulgo dici con-
suevit.

Malo pater tibi sit Therfites, dum modo tu sis
Aecida similis, Vulcaniaque arma capeffas:

Quam te Therfita similem producat Achilles.

Neque enim haec Electio erat Polonis de-
decori, cum etiam antiquitus apud multas

K

gentes

Poloni non
fastidie-
bant ple-
beum in
Regem e-
ligere, non
genus non
opes, sed
virtutes
spectantes.

gentes ex gregarijs hominibus propter virtutes spectatas, duces ac Reges deligebantur. Nonné Saul ex pastore armetario, David ex opilione, Romulus & Remus ex pastoribus Reges creati sunt? sic apud veteres Polonos Regem habebat eum, qui virtutis, sapientiae, & dexteritatis testimoniū habebat. Fuit hic

Cicer. pro
lege Ma:
nilia, pag.
9. volu. 2.

Lescus princeps optimus, omnium de se expeditionē summa cum admiratione superans: qui ita se gessit, ac si in ipsa Regia satus & altus esse videretur. Rēp. tuebatur hisce rebus quae illi inerāt, rei militaris sciētia, virtute, autoritate & felicitate, ac imprimis, ut memoriae proditū est, eum nullis alijs magis oblectatum fuisse, atq. militaribus studijs. Non

Sabellio
exēplorū
l. 2. p. 41.

insectabatur muscas stylo ferreo, ut Domitianus fecisse perhibetur, in suo cubiculo: nec ut Sardanapalus inter mulierum choros lanificia faciebat: vel quemadmodum de Aropo rege Macedonum narratur, lucernas & abacos fabricabatur, nec etiam cochlearia lignea affabre calabat, quod de Othomanno

Exemplū
vita in re
ge Ethni:
co, Regis
Christiāi.

Macho-

Machometo fertur, sed illa amplexus est, quae vires corporis auferent, atq. ad artem militarem plurimum facerent. Ideoq. contra hostes quosuis, omni momento expeditissimus paratissimusq. fuit. Quos simulatque regnum inuadere praesentiret, absq. mora ad fines regni cum expedita manu aduolauit, cuius praesentia territi hostes, non ausi sunt ad infestandum progredi longius: vel si aliquando in aciem copias produci, & cum hoste praelio congregari oportuit, ita exercitum instruebat, & ipse cum hoste manus conferebat, ut ex acie semper ouans discederet.

Quemadmodum argumento sunt Pannonēs & Morauī, quos saepius bello profligarat. Hic primus ludos militares in Polonia aperuit, certamina quaedam denunciāns, ac praemia proponens, quo non solum occasiones ac illecebras otij in regno praecideret, sed potissimum, ut exercitatis Polonis, cum usus posceret, paratis ad singula in bello necessaria negotia, uti posset. Et cum ani-

Ludi mi,
litares.

K ij

maduer-

Regis ad
exemplum
num totū
componi
debet re-
gnum.

maduerteret gentem Polonam diffluere luxuria & ebrietate, alijsq; multis corruptelis morum infectam & coinquinatam fuisse, ipse huiusmodi vitæ suæ habuit modum optimum, ad cuius exemplum totum regnum componi ingenti desiderio auebat. Ideoq; sobrietati imprimis operam dabat, quod hanc experiebatur esse matrem omnium virtutum, sine qua nec in priuatis, nec in publicis, quicquā consultū facto præstari possit. E contrario, ebrietatem omnium vitiorum fomitem, animi & corporis pestem ac peruersionem, omni conatu deuittabat, quam ut omnibus exosam redderet, belluam immanem vocabat. Vidit enim optimus hic Lescus lumine rationis, plures ebrietate perire, quā gladio: vidit ebrietate insanas libidines, supra, adulteria, rixas, cædes, tanquam furia quadam effrenata & indomita agi. Quæ cum de hoc principe Ethnico maiorum nostrorum expēdimus, reputent moderni magnates & nobiles Poloni, quo loco numerandi sint, qui propter suam temulen-

temulentiam rarissimè vel orientem vel occidentem solem videre solent. Vestitu & cultu corporis utebatur etiam hic Lescus, non exquisito, nec superfluo, sed tantum frugali ac parabili: lidq; quo saltem ipse fugeret inhumanam & agrestem, ut ille inquit, feritatem, & populum ad similem frugalitatem inuitaret. Hoc enim perspectum habebat, aulicos, nobiles, ciues, & reliquum vulgus, principes suos nimio & affectato vestitu indulgentes, certatim æmulari, quo fit, ut maximis sumptibus in comparatione vestium factis, facultatibus, & ditionibus exhauriantur. Sic legimus Agesilaum illum potentissimum Lacedæmoniorum ducem, quatuor temporibus vna tantum veste uti solitum, in ore illud semper voluentem, Principem non mollicie & delicijs præstare priuatis, sed virtute debere, vnde interroganti cuidam, cur aspera hyeme, solo amictus pallio absq; tunica obambulet, ut inquit, iuuenes hanc vitæ rationem imitentur. Sic Augustum il-

Plutarcho
in apoph
tegmatis
Lacōicis,
pag. 225.

lum summum Monarcham non alia, quam do-
mestica à sorore vel filia veste confecta, vsum
fuisse scribit Suetonius. Et Plutarchus, Ca-
tonem Uticensem narrat, eo tempore cum
Romæ passim purpureæ vestes gestarentur,
in contemptum harum fusca veste & nudis
pedibus frequenter incedisse. Quod & de
Agathocle Siciliae rege à Plutarcho proditū
habemus, qui cū esset filius figuli, potitus Si-
cilia & rex appellatus, solitus erat pocula
iungere aureis figulina, atq; iuuenibus glorās
dicere, se qui ante hæc finxisset, nunc illa ob
vigilantiam ac strenuitatē facere: de quo et-
iam Ausonius ita cecinit.

Fama est fictilibus cænasse Agathoclea Regem,

Atq; abacum Samio sæpè onerasse luto.

Quarenti causam respondit, Rex ego qui sum,
Sicania, figulo sum genitore fatus.

Fortunam reuerenter habe, quicumq; repentē
Diues ab exili progrediere loco.

Gratissimam memoria Regis Stephani, Sed quid tam extera & peregrina peto? do-
mesticum evidens ac præstans exemplum ha-
buimus in illo nostro summi consilij & maximi
animi

animi, cuius prudentia optimè stabat Respub.
Polona, Rege STEPHANO demortuo,
quem ab eo tempore, quo in regnum Polo-
niae ingressus diadema Regni sortiebatur,
vestitu honesto ac non operoso uti vidimus,
nimirum legem ac modum ponens Polonis,
quos in parando aduentitio cultu ac vestitu
dementia cepit maxima. Ad eundem
itaq; modum noster ille Lescus nunquam af-
fectato ornatu se venditabat, sed patrio &
simplici utebatur, præterquam cum illi vel
legati ab exteris regibus excipiendi erant,
vel aliqua publica in publico conuentu mu-
nia obeunda essent, tunc splendidiori quodam
ornatu præsidebat, ut eo decorum imperij
exhiberet, non fastum vel molliciem ostenta-
ret: semper tamen illam attritam & squalen-
tem apponebat vestem, & in conspectum pro-
tendebat, in qua rex designatus incedebat,
quo in omni vita pristina cōditionis & tenui-
tatis suæ admoneretur, & omni tēpore fluxam
ac instabilem fortunæ commutationem, ob-
uersan-

Summa mo-
deratio
morū Les-
sci cura
foris in
Regno.

uersantem oculis suis, contemplaretur. Praeterea in omnes liberalitatem summam exercuit, iudicio recto & honesta beneuolentia, & praecipue in hospites, quos nunquam remuneratos dimittebat, ut incertis diuitijs, amicos certos sibi compararet. Nihil enim praeter omnes virtutes magis allicit, quam ipsa munificentia. Ciues quoque suos, quorum angustiae, ne emergerent obstabat domi, suis promouebat sumptibus, ut vel in aula sua, vel in Reipub. aliquo munere, vbi esse possent, illud vnicum exemplo suo statuens, quod omnibus ex aequo virtutem colentibus, ad Reipub. nobiliora munera capeffenda, via pateret, maxime vero priuatorum, miserorum & pauperum, ipse priuatae conditionis suae memor, miserebatur, deditque operam ne a potentioribus opprimerentur. Quibus tam praeclearis moribus, & in Reipub. immortalibus meritis editis, utilis ac salutaris imperio, quo aduixit, extitit. Filium quem in principatu genuit, vnicum memoriae & nobilitatis suae incepta,

Vitz
finis.

cepta, propaginem felicem habuit, a suo nomine Lescum dictum, quo relicto, labore vigilijs & aetate regni confectus, clausit vitam suam diem postremum.

LESCVS TERTIVS DECIMVS POLONIAE REX.

FELIX & faustum huic viro Lescovis nomen erat, quo a patre huius nominis rege, in natalibus appellatus, & patris virtutum, & regni simul facultatem sortiebatur. Nomē Le
sci & gu
bernatio
regni fe
lix. Viuente enim adhuc patre rege omnium quos ante Poloni habebant praeclearissimo, semper se dignum ac fructuosum Reip. praestitit in omnibus, quae modo regno ex usu essent, fidem ac operam suam promptam expositamque praebat, curam ac cogitationem dignissimam paterna virtutis suscipiens, seque tanto patre satum ad successionem regij honoris accommodatum exhibens, unde e viuis excedente patre, successionem regni tanquam

L pater-

paternarum virtutum meritorumq; heredi
addicunt Poloni, non absimilem spem in eius
imperio & studijs erga se, Remq; publicam
repositam habentes, quam in patre eius sem-
per optimam & salutarem experiebantur.
Quod quidem eos fefellit minimè: Quam
primum enim clauum imperij apprehenderet,
patris vestigia sequutus, omnem omnium de
se expectationem expleuit, vicitq;. Gessit
res maximi momenti, regnum aliquoties ciui-
libus malis multis vexatum, sua industria
& consilio salubri collegit atque recreauit.
Cum finitimis, quibus cū & reges alij supe-
riori memoria, & ipse Lescus superior ne-
gotium habuere maximum, bella gessit
consecitq; tam prosperè, ut victor existens,
his finem imposuerit, tranquilla suorum li-
bertati impense prospiciens, Et firmata pace
omnibus hostibus, quibus antè ob generis
tenuitatem despectu i erat, gratissimus & ac-
ceptissimus fuit, ita ut eius auxilium aliquo-
ties contra hostes suos implorauerint. Me-
morie

Lesci a
pud exte-
ros cele-
britas.

morie traditum est huius Lesci tempore
Pannonos & Sclauos varijs & periculosiss-
simis bellis, partim ab orientis, partim ab
occidentis imperatoribus fuisse implicatos.
Qui virtutem Lesci in bellicis rebus exper-
ti, maximis precibus & amplissimis largi-
tionibus, eius auxiliares copias deposcebant.
Quibus ille ob vicinitatem & amicitiam,
qua iam abolitis omnibus superioribus offen-
sionibus satis firma & fideli fruebatur, non
grauatim socia arma iungebat, & eis in ad-
ministratione belli contra hostes multoties
dexterimè depugnans, maximo adiumento
fuit. Prolem, qua stirpem suam regiam firmas
radices agentem, in multa propagauit tem-
pora, numerosissimam habuit, quam & ex
uxore legitima, & ex pellicibus progenue-
rat. Ex uxore quidem unicum filium Popie-
lum, ex pellicibus vero, viginti alios fi-
lios. Et **POPIELVM** thori legiti-
mum gnatum, moribus & institutis opti-
mis, in

Proles nu-
merosissim-
a Lesci.

Lij

mis, in

mis, in manibus prudentissimorum atq; fortissimorum virorum educandum informandumq; credidit, idq; quem Regni futurum successorem post mortem suam destinaret. Reliquis probè educatis prouincias & ditiones quasdam in oris maritimis, quæ Polonico suberant imperio attribuens. Nomina autem filiorum hæc sunt.

Ex vxore	[Popielus, regni successor.]	
	[1. Boleslaus]	[Boleslao]
	[2. Casimirus]	[Barnimo] Pome-
	[3. Vladislaus]	[Bogdalo] rania.
	[4. Vratislaus]	[Casimiro] Cassu-
	[5. Oddo]	[vladislao] bia.
	[6. Baruimus]	
	[7. Przibislaus]	[Iaxæ] Serbia
Expellicibus	[8. Przemislaus]	[Semiano] ex his
	[9. Iaxa]	[vratislao] cessit
	[10. Semionus]	[Rugia] que post Misna dicta est,
	[11. Semouitus]	[mure, quæ Polonis, Myß dicitur.]
	[12. Semõislaus]	
	[13. Bogdalus]	[przibislaus] Ditiuonia
	[14. Spicigutus]	[czesimiro] que nunc Lusatia
	[15. Spirmerus]	[Oddæ] nomen ob-
		[16. Spi]

Expellicibus	[16. Spigneus]	[Przemislaus]
	[17. Sobeslaus]	[Ziemouito]
	[18. Vissimirus]	[Ziemomoislaus]
	[19. Czesimirus]	[Zgorzelecensis, quæ iam Marchia Brandenburgensis est.]
	[20. Vislaus]	

REliquis vero in hisce prouincijs ditiones quasdam partitus est, in quibus post arces aliquas & ciuitates condidit, utpote Miedziboze, quod iam Meydburg dicitur, Vislaus condidit.

Daliei, quod Dalemburg vocatur, Sobeslaus.

Uismark Visimirus restaurauit refecitq; olim à Visimiro nepote Lechi fundatam. Quemadmodum & reliquas vrbes, quæ Sclauonicis nominibus nuncupantur, nimirum Brema in finibus Westphaliæ, quæ Polonis onus sonat, eo quod contra hostes præsidium fuit maximo cum onere & labore extructum.

Luna castrum Luneburg Germanis dictum, eo quod in loco præcelso atq; adito situm, fuerit aspectabile & in prospectu omnibus.

Lubeck quod Sclauis qui circum isthæc

L ij loca com-

ca commorantur, Bukowiecz auito & genuino vocabulo cognominant, quamuis & ipsum quo Germani utuntur Lubeck Sclauonicum esse videtur.

Sic alia castra quae extant multa, Rathibors, Swerin, Lukow à quodam Meclone conditum, unde Germani Mechelburg vocant.

Gilow à crassitudine terrae, Gyel enim Polonicis dicitur terra viscosa & globosa.

Rostock, quae à quodam Przibislao, Helmoldus, qui Sclauicam historiam conscripsit, conditam esse dicit à profluentia aquarum dictam.

Zwanow, à vocando quia Polonis vocatus Zwani, wezwani dicitur, Sic & alia.

Ostrow, Marlow, Czesin, Trzebiessow, Vielogost, iam Wolgast dictum, Starigrad,

Helmold. Bielograd, Nouigrad, Szeecin, quod Stetinum iam incolae vocant, sedes illustrissimorum principum Pomeraniae. Volin à bobus dictum, quod alio vocabulo appellarunt Iulinum,

linum, urbs insignis aetate illa, tantis opibus, tantis mercatorum negotijs frequens, ut vix alia parè illi tū Europa videret, Constantinopoli excepta, ipso Crantzio tale testimonium de ea praebente. Sed & Dresnam, Lipsiam, Costeinum, & alia Misnensis & Brandenburgensis ditionis castella & oppida, à Polonis condita esse, & ex ipsis nominibus patet, & termini veteres regni Polonici testantur. Certa enim & euidentia, ut Crantzij verbis utar, sunt documenta, quod ex Polonia in Silesiam, & inde in Marchiam nouam & veterem, per Magdeburgensem & Halberstadensem dioceses, vsq; ad Hercinios montes, & inde ad Visurgim fluum in occidentum, omnem eam prouinciam fuisse Vandalorum, ipsos Vandalos, Sclauos & Polonos, Crantzium sequuti, intelligentes. Has oras & ditiones omnes, quae imperio parebant Polonico, Lescus filijs suis distribuit, ea tamen conditione & lege, ut Popielum imperij totius praesidem agnoscerent, eiq; consilio &

Crätzius
in Vandalia
lib. 2.
pag. 45.

Crant: in
Vandalia
l. 2. p. 38.
cap. 21.

Blondus
Decade
l. i. p. 165

Vrsper
gensis in
suo Chro.
pag. 179.
Reyno li.
2. in suo
Chron.

filio & auxilio pacis & belli tempore praesto esse non negligerent. Quod ut firmum ratumque semper esset, iuramento omnes deuinxit. Qua quidem diuisione facta, cum Carolus Magni Caroli filius ex concubina natus maior, ea tempestate, cuius fuit annus Saluatoris nostri 805. Saxoniam ingressus, longè & latè Polonicas oras vastaret, ille expeditione facta, maximo & acerrimo praelio cum hoc Carolo ad Oderam flumen confligit, eoque loci cruentam victoriam relinquens hosti, occubuit.

POPIELVS VNDE- CIMVS POLONIAE REX.

POPIELVS superstes, Rex ante occasum patris declaratus erat, qui ut tuto imperium regeret tuereturque, communicato consilio cum proceribus, & vicinis suis Boëmis & Sclauis, legatos de pace & fœdere impetrando, cum amplissimis muneribus Aquisgranum ad Carolum, ut testis est Sabelli-

Sabellius, amandat. Quae legatio Carolo alijs bellis implicito & exoptata & necessaria fuit, praesertim cum fuerit expertus, quanto cum discrimine bellum illud cum Sclauis, Polonis, Boëmisque gesserit: quamobrem lubens pacem ac fœdus cum Polonis firmavit. Sic enim Sabellius: Reuerso deinde Aquisgranum, Sclauorum, Polonorum & Boëmorum legati cum amplissimis muneribus praesto affuerunt. Horum postulata fuere, ut pax cum Gallis incolumis maneret, id quod Carolus perhumanè dedit. Ut inde inconfesso sit, Cureum in suis annalibus odio fortasse nominis Polonici, futiliter scripsisse, tunc Polonos tributarios Germanico Imperio factos fuisse. Quod quidem & ipse Cureus verbis subsequentibus immemor priorum, refutat & refellit, inquiens. Idem Carolus ad arcendos Polonos à Germania, muniuit Brandenburgum anno 789. collocatis eo colonis ex Alsatia, quos tamen Poloni non multo post mortuo Carolo eiecerunt. Nam filij huius Lesca-
M quos

Sabellius
Enea 8.
lib. 9.
pag. 689.

Cureus in
annalibus
Silesiae,
pag. 28.
Cureus
multa scri-
psit futili-
ter de re-
bus Polon-
icis.
*Curei istius
aut aliquando
m. s. palon leges
t. id adhibere
re contigit; ca-
larius in eam
curam inuolu-
it ut orum
ochij nomen
Poloniam con-
tempnè pro-
iunaret!*

quos habuit plures, veteres sedes Longobar-
dorum, Senonum & vicinorum inter se par-
titi sunt, & excitatis multis munitionibus
sefe aduersus Germanos defenderunt. Cum
illis tamen populis Henetis, Polonis, & Boë-
mis assidua bella gessisse scribitur. Ludoui-
cus Caroli filius, circa annum Domini 830.
Anno Domini 832. Francofurti iste Ludo-
uicus princeps Henetos ad se accersitos pa-
cauit. Fatetur Cureus Polonica arma semper
terrori fuisse Germanis, & filios Lesci qui
amplas ditiones possidebant, excitatis multis
munitionibus, sefe aduersus Germanos forti-
ter defendisse, ita vt Ludouicus non pensio-
nes aliquas & tributa illis imperare, sed ac-
cersitis, pacem ab illis querere, & eos pa-
care sit coactus. Ita Caspar Peucerus, qui
Philippi historiam continuauit & auxit,
cum de Polonis bella assidua gerentibus cum
Caesaribus & Marchionibus, scribit: Gesse-
runt inquit, hi Marchiones magna bella cum
vicinis Polonis & Boëmis, & aliquot ex il-
lis for-

Polonica
arma sem-
per fuisse
terrori
German.

Caspar
Peucerus
lib. 4. pa.
565.

lis fortiter praeliando occubuerunt. Bo-
leslaus Polonus penetrauit populabundus
ad urbem Misenam vsque, genti ^{ἀμύμονος} vi
expugnata Budissina, post primi Echardi
mortem. Nec finis bellorum fuit, ante-
quam Otto tertius Poloniam imperio con-
iunxit amicitia & foederibus. Quibus
Peucerus iste, coniunctionem Polonorum
cum Germanis hanc fuisse, non tributa ali-
qua sed amicitiam & foederationem demon-
strat. Constatq; ex probatissimis histo-
rijs, quas suo loco & tempore DEO dante
proferam, & euincam, Polonos nunquam nec
Germanis, nec alijs exteris Regibus tributa
pendisse, esseq; illos scriptores vanissimos, qui
hoc ausi sunt asseuerare. Sed ad Popielum
redeo. Hic cum factus esset confederatus
Romano imperio, paterni animi virtutisq;
immemor, inertissimum desidiosissimumq; o-
cium consecutus est, CRACOVIÆ urbe
regia commoratus, cum videret se remotius
M ij à fra-

Poloni
nulli vns
quam tris
butapens
debant.

Vita &
studia in
regno Pos-
pieli.

a fratribus agere, cliuosq; regionis illius vo-
 luptati suae non arridere, Gnesnam cum aula
 sua demigravit. Deinde captus planicie qua-
 dam in ditone Cuiaviensi ad lacum vastissi-
 mum Goplo dictum, arcem eo loci extruxit
 Kruściam nomine, quae hucusq; remanet.
 Et cum Regia Popieli, Piasig; patria fuerit,
 etiam num radices dignitatis antiquae illam
 retinere scimus. Est enim sedes praefecturae
 vel capitaneatus regni, cui praest hoc tem-
 pore vir illustris ac prudens, magnificus Do-
 minus Adamus Balinski de Chomiaza, Ca-
 stellanus Bidgostiensis, Senator regni inte ger-
 rimus. In hac igitur ciuitate, relicta Gnesna
 Popielus, adhibitis voluptatibus per totam
 vitam suam degit, indies magis ac magis ab
 illa perenni ac contestata maiorum suorum vir-
 tute degenerans. Fertur imprecatio eius, qua
 deuouere solitus sit, fuisse: mures utinam te
 excedant. Quae tamen in eius filio fuit effi-
 cax, quem ob nefandum facinus in patruos pa-
 tratum a muribus derosum legimus. Obijt
 etate

Popieli
 metropo-
 lis Crus-
 scicia.

Eius capi-
 taneatus
 cui iam pre-
 est vir ma-
 gnanimus
 Adamus
 Balinski
 Castellanus
 Bidgosti-
 ensis.

Popieli
 imprec-
 atio fatalis.

etate immatura morbo ex voluptate contra-
 cto, filio sui nominis muribus in escam relicto.

POPIELVS IVNIOR

DVODECIMVS REX.



VM adhuc Popielus demortuus
 graui morbo conflictaretur, fratres Popielus
 eius principes Pomeraniae omnes, veriti, ne iunior
 absentibus eis morte absumeretur, inuisendum Rex des-
 claratur.
 eum aditum properant: aduentum tamen i-
 psorum mors praecessit eius, ex quo uehemē-
 ter solliciti, praecipuo quodam dolore ange-
 bantur. Curato tamen funere ad Rempublicam
 accedunt, eiq; omnem operam suam tribuunt,
 Popielum relicto Regis filium fratrualem
 suum admodum adolescentem, licet imperio
 nondum maturum, facto cum proceribus con-
 uentu, regno destinant: ipsi laborem & ad-
 ministrationem Regni, quoad etate & iudi-
 cio adolescat, subeuntes. Interea Popielus
 petulanti adolescentia impudicus, procax,
 M iij praesra-

Popielis
adolescē-
tia indi-
gnissima
Regno.

præfractus q̄, ætate progrediebatur. Et cum
prouectiorem ætatem attigisset, natura ad
libidines & ocia pronus, omnem curam pa-
truorum suorum aspernabatur. Adolescentes
nesarios alebat, à quibus ad omnia mala
inflammatus, ætatem iuuenilem equitan-
do & comptando consumebat, & cum in
dies inebriaretur, mente alienabatur, quam
ne quidem sobrius sanam admodum habebat,
utque quicquid liberet facere, etiam sibi
liceret, administrationem regni patruorum
suorum molestissimè ferebat. Ideoq̄ se am-
plius regi à quoquã non patiebatur, curam &
studium Reipub. ipse præ se ferens, quæ mala
huius insolentis ac petulantis regis, patru
principes & senatores reliqui, cum animad-
uerterent nulla ratione refrenari ac coerceri
posse, hoc consilium tanquam ultimum reme-
dium capiunt, ut ei uxorem mulierem for-
tem & prudentem prouideant, cuius societa-
te & dexteritate mores eius reformari, vi-
taq̄ emendari citius possit. Verum & hoc
nihil

nihil prorsus iuuuit, connubio enim iunctus,
non mutauit sed accumulauit scelera, ipsam
in his uxorem adiutricem habens. Erat qui-
dem ea mulier præstanti ac illustri familia,
utpote Reguli cuiusdam Germanici filia,
forma, ætate & ingenio nobili, sed dotibus
hisce abusa, mariti luxuria atq; intemperan-
tia diffluentis, animum peruertit, cum eum
in sui amorem nimium allectum, ab omni cura
& studio Reipub. auertit. Et cum ambitione
atq; auaritia plurimum æstualet, ipsa guber-
nacula regni ad se traxit, quo & thesauros
multos congereret, & omnia pro libitu suo
in regno ageret. Qua muliebri audacia,
cum Respub. Polona magis ac magis dilabi
cœpisset, nec spes erat regem tam effemina-
tum, mulieris imperiosa fastuosaq; manci-
pium factum, ad meliorem frugem reditu-
rum, non modo priuatim, sed & publicè
tam patru principes, quàm reliqui primates,
de utriusq; moribus, tam enormibus & per-
ditis

ditis conquerebatur, agitabantque consilia, quo pacto tanta rerum in regno iactura obuiam ire possent. Quae cum mulier versuta & malitiosa rumore & auditione accepisset, veritate ne maritum ineptissimum, seque iam multis nominibus exosam omnibus, regno pellerent, hoc consilium inibat, quo primum ipsos patruos principes insidijs peteret, siquidem hos maxime suis conatibus obsistere videret. Hos itaque coram marito, quem in omnibus emancipatum habebat, de ambitu reos facit, datque consilium, quo pacto de medio tolli queant, instruit stolidum, morbum mortiferum fingat, & patruis accitis se morte instante suosque filios commendat, quibus lecto affixus, pocula aliqua, quae sint ultimae benevolentiae & amoris monumenta quaedam, ad exhauriendum propinat, quae illa recepit se cantharide infecturam. Successit nefarium hoc facinus, cum principes optimi nihil subesse fraudis rati, pocula oblata in testimonium integritatis & studiorum suorum erga Regem fratru-

lem su-

lem suum, Reginam & filios eorum exhaurirent omnes. Quo momento cum intuerentur Popielum arctiori somno, quem ipse quidem simulabat, complecti, discedunt, in ipsoque discessu, veneno peruagante ac inflammante, corruunt & extinguuntur omnes, quo facto conscelarata mulier clamore edito prosiluit, Deos hominesque contestans, eos iustissima vindicta, tam repente occidisse, ut qui Regi filijsque eius semper mala commoliebantur. Agit religiose dijs gratias, se regem prolemque suam quod conseruatos voluerint, perfidosque patruos, ex quibus non nisi exitium illos maneret, puniuerint. Iubet eos insepultos iacere, qui ob perfidiam, iustamque iram Deorum, & sepultura essent indigni. Fuit hic casus stupori, & admirationi omnibus, & hi praesertim in dolore & maestitia erant, quibus horum principum integritas vitae, & studia castissima erga regem domumque eius perspecta fuerent. Interea Deus vindex scelerum, & integritatis innocentium conseruator, atrocissi-

N ma pe-

ma pœna dolos & fraudes hasce palam facit.
Mures è cadaveribus principum enascun-
tur insuetæ magnitudinis, qui denso agmi-
ne maximo cum stupore & terrore omnium
in regiam irrepunt, regem, reginam & illo-
rum liberos inuadunt, mordent & arrodunt
acrius, quàm ipsum toxicum viscera patruo-
rum arrodebat. Res portentosa visa omni-
bus. Rex simulato morbo excitus, furens
depellit serpentes ac grassantes per corpus
mures, hoc & regina fallaciarum magistra
conatur, omnibus eis & filijs opem ferenti-
bus. Cum verò vi maxima à muribus obside-
rentur, ipsa regia pauidi profugiunt in la-
cum proximum: Verum ut in terra, ita in
aquis desæuiunt mures atrocius. In conti-
nentem igitur tremebundi deducuntur, ignēq̃
circumcirca inflammant, quò in medio collo-
cati tuti esse possint. Sed nec ignis vindictæ
Dei quicquã obsistit, cum omnia elementa iræ
diuinæ in fontes suum præbeant obsequium,
quare desperata salute, eneruati & exaques,
iterum

iterum arcem petunt, ubi sese quocunq̃ pos-
sunt occulant, obtegūtq̃, quos mures iam li-
berè grassantes, immani morso, nullis mem-
bris & ossibus relictis, exederunt omnes. Sic
Popielus & uxor multa patrans flagitia
impunè, in extremum malum adducuntur, se-
melq̃ dependunt superiora flagitia. **DEVS**
certè per minuta animantia punire consuevit
consceleratorum immania scelera. Exempla
huius quedam extant. **Ægyptus** pediculis Exodi 8.
à **DEO** immixtis seuerè fuit afflictæ. Quem-
admodum ob captam arcam illam sacrosan-
ctam, ingentem copiam murium excitarat
Deus, per quas agros & segetes **Asotiorum** 1. Reg. 4.
vastauerat. **Pherecidem Philosophum** ob
insolentiam & in **DEOS** impietatem, scri-
bit **Ælianus**, à pediculis fuisse consumptum. Ælianus
Assyriorum arma ob blasphemiam in verum li. 4. & 6.
Israëlitarum **DEVM**, mures quoque cor- de varia
roserant. **HATTO** etiam **Mogunti-** histori.
nensis **Episcopus**, cum dominante fame paupe- Herodot.
res plurimos, quos dicebat ad instar murium lib. 2.
absursum, Iosephus
1. 10. c. 2.

Factuano
Chr. 914. Munster
lib. 3. in
Cosmo:
graphia.
Cōradus
Lycostei,
nes de pro
digijs, pa.
364.

*absumere frumenta, conclusos in horreo exu-
sisset, à muribus in turri in medio Rheni cō-
structa corrosus esse dicitur. Hoc etiam factū
ferunt de Vulderolpho quodam Argentinēsi
Episcopo, qui arcano DEI iudicio, à muri-
bus anno sui Episcopatus xvij. post consecra-
tum monasterium Seltziense ad Rhenum si-
tum corrosus est. Quibus omnibus docetur,
magnarum iniuriarum magnas esse à DEO
ultiones.*

PIAST TREDECIMVS REX POLONIÆ.

Electio re-
gis, diffi-
cilis & pe-
riculosa.

QVALIS status regni post tam fu-
nestum interitum Popieli fuerit, fa-
cile conijcere est, fuisse acerbissimum turbu-
lentissimumq̄, cum tota Polonia & ex tanto
scelere in regno, per regem reginamq̄ edito,
& ex portentosa illorum p̄na, supra modum
stuperet tremereq̄, nec tam insolitum culpæ
& p̄næ exemplum procius magnitudine &
atrocitate demirari satis potuerit. Accessit
difficul-

*difficultas eligēdi noui regis, cui nullo pacto
ob diuersa multorum studia, & immodera-
tam ambitionem, quæ eo tempore, magis quam
vquam alias exarserat, satisfacere potue-
rant. Interemptorum principum filij grege-
bus amicorum stipati, iure quodam naturali,
regnum sibi vendicabant, in quo cum perti-
naciter agerent, multum negocij omnibus fa-
cescebant. Alij potentes, quibus in magnitu-
dine animi cupiditas principatus innascitur,
illud palam affectabant, cuius ambitionis cum
nullum modum facerent, iurgijs tantum tem-
pus comitorum terebant, & cum contentio-
nibus assiduis ingrauescentibus nihil transi-
gi potuit, soluto conuentu discedunt omnes.
Quo tempore Poloni infesti partibus, re-
gnum partim hostilibus, partim domesticis ac
intestinis malis pressum, ac vix non euersum
habebant, nec dabatur ab his aliqua respira-
di potestas. Propterea videntes passim ruere
& deflagrare omnia, ne extrema illos pati
fuerit necesse, iterum concilium conuocant.*

N iij Crusui-

Crusuciamq̄, solennem in locum cōfluunt, & quidem maiori concursu quàm antea, vndiq̄ se hominibus effundentibus. Sed non minus maximis difficultatibus inuoluuntur, cum quisq̄, suæ dignitati studeret, cedereq̄ loco cuiquā nollet. Vrgebāt principes Pomeraniæ ius suum, & hac prærogatiua quisq̄ principatum occupare summa ope nitebatur. Quorum tamen parua vel nulla prorsus ratio inter ordines habita est, ob genus quo sati fuerit adulterinum: turpè ac indignum iudicantes, hominem malo genere natū, ingenuis imperare debere. Et cum his nullam spem principatus relinquerent, ipsi etiam inter se acerbissimis odijs & inuidia decertantes, sui corporis & ordinis viro nulli imperium deferre vltro & liberè volebant. In quo cum multum tempus traduxissent, necessarijs ad victum rebus plurimum laborabant, iamq̄ re infecta abscessissent, vt ante, nisi diuina quadam providentia homo illis fuisset monstratus, cui honorem regium demandarent.

Is erat

Is erat pius & honestus quidam ciuis in ipsa vrbe Crusucza, agro colendo & mellificio victum quæritans, PIAstus dictus nomine, quod modiolum rotæ Polonis sonat. Erat enim corpore pleno, valido & stabili, statura breuiori, vnde ob talem formam PIASTI nomen sortitus est. Contigit vt hic cum vxore sua Rzepicha dicta, diem natalem pro more gentili sui filij Ziemouiti agens, conuiuio vicinos suos exciperet: quo tempore ferunt duos hospites habitu peregrino ad eum diuertisse, quos hic PIAstus, qui fuit hospitalissimus & amicissimus hominum, perhumanissimè pro suis copijs acceptos hospitio, tractabat. Frequentissimè etiam alij ex conuentu quam plurimi emptum necessaria ad victum, eum adibant, quibus ille ea quæ potuit, non grauatim suppeditabat, cum alius in tota ciuitate, tanta bonitate & beneuolentia erga hospites affluens, non reperiebatur, à quo humanitatem obtinere,

Ciuis ciuitatis Crusucis in regem eligitur.

Piast quis fuit & hoc nomine cur dicitur.

Vxor & eius nomen.

Piasti hospitalitas.

Diuini
hospites
Piaſti.

obtinere, & cibaria nanciſci facile poſſent,
ſed cum iam minui ac extenuari penu ſuum
cerneret, hoſpitibus illis quibus utebatur ſa-
miliariffimè, domesticas ſuas difficultates &
anxietates exponit, regni ſimul infelicitatem
referens, quod tam diu deſtitutum rege, in-
numeris ſit attritum malis. Quodq; iam ſe-
cundo proceres & nobiles omnes conuentum
agerent, nec tam eſſent felices, vt regem e-
lectum habeant, & cum inopia rerum præ-
mantur, futurum eſt vt iterum rege non cre-
ato dilabantur, vnde maximã perniciem cum
calamitate illapſuram in omnes regni inco-
las, certum ſit. Ad quæ breuibus hoſpites
illi Piaſto reſpondent, cum eum bono animo
eſſe iubent, futurum vt ille ipſe paucis poſt
elapſis diebus populum hunc gubernaturus
ſit, omnibusq; adhuc victũ abundantem præ-
biturus. Quo cum ille tenuitati ſuæ illudi-
diceret, illi affirmant eo rem certo deuentu-
ram, ad cuius teſtimonium miraculo hoc fidem
faciunt, cum illi carnes porcinas & muſum
non

vaticiniũ
horũ Pia-
ſtum Re-
gem Po-
loniæ fu-
turum.

non defectura eſſe dicunt, etiam ſi illa ad fru-
endum cuius affatim largiatur, quod & fa-
ctum eſt: accurrentibus enim innumeris, Pia-
ſtus illa abſq; omni imminutione promebat da-
batq;, ita vt omnes mirarentur vnde illi tan-
ta ſuppeteret copia, qua tantam multitudi-
nem hominum ſuſtenteret. Et cum didiciſſent
fieri miraculo quodam, virum ſuſpiciunt, di-
uinam in eo virtutem ſpectantes, quod dijs cu-
ra ſit, ſignumq; capeſſunt, eum ſolio regio
dignum, qui iam regis munus exequutus ſit,
ſua beneficentia conuentum talem hominum
reficiens. Omnes itaq; alium non exſpectan-
dum eſſe cenſent, in hunc vota conferunt
ſua, regemq; declarant, & in regiam ab a-
gro, licet inuitũ ac reluctantem pertrahunt.
Credibile eſt illos duos hoſpites bonos genios
fuiſſe, quos Deus periclitanti ac ruenti regno
in ſubſidium miſerat, vt ipſe Polonis afflictis
& fluctuantibus regem decerneret, non qui
longam generis ſeriem præferret, vel maio-
rum imagines oſtendat, ſed qui morum pro-
bitate,

Dapes Pi-
aſti quib;
in electio-
ne Regis
magnates
& nobiles
ſuſtenta-
bat.

Q

bitate, modestia, vitæ innocentia, beneficentiaq; præcelleret. Cum itaq; talibus omnibus virtutibus virum hunc conspiciendum in principatum Poloni euexissent, animis infestis & exacerbatis principes Pomeranice, Popieli senioris nepotes, ex conuentu auolant omnes, eò quòd hominem plebeium agricolam, Poloni digniorẽ tanto fastigio ipsis iudicassent, cuius electionem se nec probare, nec regno amplius subesse velle testabatur. Ipse verò Piastus prouinciã tam augustissimã maximã cū religione amplexus, & in alium virũ mutatus, regis optimi industrij ac felicissimi partes obibat, Polonis omnibus eũ magis ac magis, cum summa beneuolentia, fide, obedientia & honore, atq; adeò omnibus offitijs prosequẽtib; Regiam in quo nomen Poloniũ parricidijs Popieli contaminatum videbat, Crusuicia trãstulit Gnesnam, eo etiam nomine potissimũ, ut ex loco viciniori rebelles & desertores Pomeranos, iterũ ad obedientiam reducere esset paratior: quod quidem prestare haud

Piaſti Re
 gis Polos
 niz admi
 nistratio
 regni fe
 lix & vere
 regia.

re haud potuit, eò quòd ab eius imperio abhorrebãt, à regnoq; animũ semper auersum alienumq; habebãt, vsq; ad tempora Boleslai magni, à quo regno Polonia iterum inserti sunt. In alijs tamen omnibus quæ regno utiles ac salutare erant, fuit felicissimus, ita ut famam nominis sui, non tantũ per totam Poloniam, sed & per finitimas & exteras quasq; regiones longè & latè impleret. Vixit 120. annos, tantum curriculum vitæ conficiens, & dimidium ferme horum annorum regnans. Recedens à vita, filium unicum Ziemouitũ habuit, per quem maximam seriem generosissimæ stirpis ab anno 861. Christi, vsq; ad hæc nostra tempora, quæ anno 1596. inscribuntur, profeminatam reliquit, utpote Reges omnes vsque ad Casimirum Magnum, filium Vladislai Lokietek, regis Poloniae. Ex quibus supersunt adhuc familiæ illustrissimæ in vicina Silesia. In primis familia inclyta ducis IOACHIMI, principis Lignicensis, Brigensis, Olauiensis, Præpositi Magdeburgensis,

O ij

burgensis. Deinde familia Caroli principis
 Illustris. Olesnicensis, in Mu stemberg ad Elsen in Si-
 de stirpe lesia, Comes in Glocz, principes clarissimi,
 Piaſti Re omni genere virtutū laudatissimi, opibus &
 gis, in Si copijs affluentes, genti Poloniae semper addi-
 lesia. Etissimi. Qui nunc, cum singulari Dei bene-
 dictione veterum Regum Poloniae semina-
 rium retineant, dignissimi sunt, quos Poloni
 omnes summis officijs & honoribus prosequā-
 tur. Deinde etiam aliae reliquiae apud nos
 Polonos etiamnum extabant, nimirum ma-
 gnifici Domini Iohannis Kostka à Stangen-
 bergk, Palatini Sendomiriensis, terrarum
 Prussiae Thesaurarij viri praeclearissimi &
 senatoris integerrimi, tēpore etiam interegni
 in electione Regis candidati Primarij ab o-
 mnibus ordinibus declarati, iam vita functi,
 uxor honestissima demortua, nata ex Anna
 Conradi ducis Mazouiae filia, Stanislai O-
 drowasi Palatini Russiae, uxore. Quae qui-
 dem virgo existens moribus & aetate excel-
 lens, Iohanni Comiti de Tarnow, Castellano
 Woini-

// Non facile id
 mihi persuadere pos-
 sum, si non non ydo-
 nea ex Annalib. si-
 cili. Ducatus Olavie.
 Lodiebradi Regis do-
 cemi? nepotibus alio-
 butum; flava com-
 mutoe hac cum aip-
 pro Scedi tanq; post-
 se sio imp. in dore
 mia in qbr epinet
 ad A. b. p. p. p. p. p.
 Iohannis
 Kostke à
 Stangeb.
 Palat Sē-
 domirien-
 sis cōmē.
 moratio.

Woiniciensi primo nupserat, quo sine liberis
 decedente de vita, illa relicta vidua, illi prae-
 stanti viro Domino Iohanni Kostke, Pala-
 tino Sendomiriensi, iterum connubio iuncta
 erat, propagines nobilissimas illi proferens,
 quae Dei beneficio supersunt in viuis duae fi-
 liae iunctae matrimonio, viris genere clarissi-
 mis & illustrissimis: Maior natu Anna, Ale-
 xandro, principi Ostrogensi, Palatino Vo-
 linski. Altera Catharina, Adamo Sieni-
 awski, Palatini Russiae, ob stirpem hanc
 clarissimam & copulam coniugij praestantem,
 dignae perenni memoria.

Piaſti res
 gis Polos
 nia proge-
 nies hodi-
 erna apud
 Polonos.

ZIEMOVITVS QVAR-
TVS ET DECIMVS REX
POLONIAE.

POSTEAquam Piaſto defuncto, mo-
 re Regio iusta magnifice proceres
 Poloni fecissent, insignibus regijs, Ziemovi-
 tum eius filiam exornarunt. Eius enim viri
 O iij singula-

Filius Pia-
 ſti in rego-
 num patri
 succedit.

Singularis tum virtus & industria in omnibus laboribus periculisq; , tum modestia fuerat antea superstite patre in omnibus grauissimis regni negotijs cognita & spectata. Huc enim Piastus iam etate & viribus exhaustus, imperio dignū accōmodatūq; post se relinquere cogitās, regijs laboribus præficiebat semper, cum eum magistrū equitū crearet, eiq; maiorum vigiliarū munera cum in bello tum pacis tēpore, in Repub. administrāda demandaret, quæ ille vir ad omnes labores natus & assuefactus, magna animi contentione, acri cura & vigilātia, successu sēper dexterrimo, suis ceruicibus sustinebat, ita vt tali studio, beneuolentiam & gratitudinem omnium facile alliceret contraheretq;. Huic igitur imperium libenter Poloni omnes dederunt, cuius clemētiam, liberalitatē & animi magnitudinē iam erant experti. Qui sane cum habenas regni teneret, nihil vnquam sibi reliqui fecit, quod ad eorum promerendum amorem pertineret. Multa tunc adhuc cum finitimis hostibus certamina

Ziemouit
tus nō de
gēra à Pi
asto patre
optime re
gnum Po
loniæ ad
ministrat,

Ziemouit
ti gesta.

tamina conficienda illi restabant, qui tempore Popieli ignavi à regno ditiones quasdam auulserant, quos antequā aggredi eum oporteret, domestica regni negotia componebat. Ac imprimis ne milites otio remollescerent, certamina bellica proposuit, quò tanquam in palestra assuescerēt omnes arma tractare, eaq; pro salute communi contra hostem capere. Ideoq; militem habens armis agitatum exercitatumq;, facile hostes profligabat, Pannones præsertim & Prutenos, quos bello victos sub iugum miserat. Pomeranos etiam rebelles aggressus est, quibus cum aliquoties conflixit, & eos tributa pendere coëgit, quos ad extremum, licet natura locorum paulūm ferme inexpugnabiles, in suam ditionem redigisset, nisi morte immatura esset absumptus. Rebus itaq; præclarè feliciterq; gestis, mortuus est Gnesnæ regia in vrbe, imperij sui anno trigesimo secundo, filio vnico Lescone, huius nominis quarto, relicto.

Militā mī
litaria ex
ercitia.

Mors &
vitæ finis.

LESCVS

LESCVS QVARTVS

QVINDECIMVS POLONIÆ

REX.

RRAT tum Lesco filius defuncti Zemouiti, adolescens ætate, regno administrando immaturus, quem tamen communi suffragio Poloni imperio destinant, cum propter maiorum eius præclara in Rempub. Polonam studia, quæ semper memoriam apud gentem Polonam immortalem obtinebant, tum quod adolescentis indoles, regias virtutes imperio dignas, nõ obscure præsefererat, unde tali stirpe satum dignissimum esse statu-ebant, cui paternum solium offerendum ac subiciendum iudicarent. Quo factò gubernatores, viros iudicio & rerum cognitione gravissimos deligunt, qui pubertatem eius optimis consilijs & disciplinis excolerent, ne post Phaërontis in morem, ut dici solet, gubernacula imperij capessat tractetq;, ipsiq; hætenus ex sententia consilij sui, nomine regis iuuenis, negotia regni obeant, quoad

Rex

Lesco Pisci
asti nepos
rex declaratus.

Gubernatores
Lesci in regno
administrando

Rex adolescentia sua metas egressus, & viriliter agere & Rempub. tenere queat. Et erant quidem eo tempore multa eademq; gravissima in regno negotia, quæ curatorum magnum studium, multamq; operam requirebant, Maxime verò bellum illud, cum Casubijs, Sclavis & alijs Cismarinis populis, à Semouito patre rege mortuo commotum, quod confirmare & continuare ipsa regni existimatio impellebat. Verum iidem administratores illud prorsus à se & humeris suis reiecerunt, contenti vigilijs & studijs, quæ principi iuueni informando ac excolendo impendere. Unde etiam Rex ipse legitimam ætatem ingressus, regnum a patre relictum, integrum à custodibus & moderatoribus suis nactus, ea moderatione administravit, qua cõservatum traditumq; accepit, nec Pomeranis molestus fuit, sorte sua contentus. Fuit igitur vir probus, prudens, iustus & liberalis, paternarum virtutum studiosus, pro Republica non secus ac pater animo semper excubans ac

P vigilans

Vigilans, à militia tamen animum alienum gerens, tranquillæ paci & tutæ quieti magis quàm rei bellicæ, quæ multarû sit insidiarû, consulens, Venationi plûsqvam studio alicui operã dabat, tali oblectatione animi et requie curarum plurimum delectatus, Vnde quodam tempore huic regi feras in venatione agenti, casus quidam exitu iucundus & insignis acciderat, de quo paucis verbis referre necesse est. Ex hoc enim origo stemmatis illustri-
ma antiquissimæq; in gente Polona familiae, Comitum de Tenczin, processit, à viro quodam strenuo, & altos spiritus habente, qui regem hunc Leschum in venatione aberrantem, in molendino cui præerat. & liberaliter & paulò seueriùs, cum cibum oblatû capere renueret, excepit hunc in modum. Agitabat

Origo stemmatis comitum de Tenczin.

Lepida narratio de Leschum venatione & in molam ex errore incidente.

Rex excitatam feram magno seruore & virum impetu, ita vt à suis longissimè aberrans incidit in molam in profunda solitudine sitam. Hunc dominus molæ oblatû quis sit agnouit, licet ipse Rex alium se, periculum aliquod præ-

præcauens, simularet. Descendit tamen de equo, quem vir ille animo præsentis sumit talemq; hospitem introducit, & cibum ac potum parari iubet. Quo facto strenuè ac sollicitè suum officium exequitur, aquam manibus lauandis præbet, cibum apponit, monet vt accumbat, & vt comedat, rogat, sitq; bono animo. Rex veritus ne agnitus in aliquod periculum incidat, alium se esse fingit: proptereaq; cum modestia & cunctatione molæ Domino morem gerit. Quod cum ille videt, data opera seueriùs in eum inuehitur, & docet, domino domus esse obediendum, faciendûq; ea quæ sint cuius necessaria. Ibi Rex quodammodo castigatus, alacrius obtemperat, & cibû sine cæremonijs, vt dicitur, sumit. Post rogat vt ei in ciuitatem viam commonstret, se enim de via publica deflexisse, nec scire qua iter aggradiendum esset: quod vir ille libenter se facturum dicit, & quidem eo animo, quò deum ipse tutò deducere velit. Instruit itaq; suos famulos domesticis armis, & hospitem conscen-

Excepit tur à mo-
le Doño.
viro strenuo.

Monetur dño. domo obediendū esse.

dere equum iubet, se non solum viam rectam demonstraturum, sed eum deducturum, quo sine ullo periculo & errore ad sua remearet. Rex itaq; cogitabundus famulatio hoc utitur, sed vir ille alacri & prompto animo eum praecurrit, omnia officia probi ducis exequens. Qui cum ex sylua illa densissima in campum descendissent, offerunt se regis aulici, qui regem amissum hinc & inde quaerebant, quos cum ductor ille conspexisset, regem compellat: En illi tui sunt famuli, quibus te regem nostrum trado, memineris in posterum cautius venari & feras insequi, ne tibi aberranti aliquid mali eueniat, ex quo postea tali regno detrimentum aliquod ingens confletur. Rex auditis hisce, miratur hominis ingenium & probitatem luculentam, accurrete suo comitatu, agit quidem homini tam cordato gratias pro beneficio eum tamen pro die sequenti ad epulas suas quoque inuitat, ad quas se venturum ille sine omni tergiversatione pollicetur. Interrea Rex aulicis suis omnem suum in venatione errorem recenset,

Officia
circa Re-
gem Lei-
scum.

recenset, exponitq; quo pacto ab hospite in quem inciderat exceptus fuerit, praesertim verba illa, Domino domus obediendum esse, quibus castigatus ab hospite fuit, enarrat: commemorans & laudibus uebens maximis viri huius maximum probum ac fidelem animum, quo sit in eius mola & in ipso itinere usus: cogitandumq; esse dicebat, ne tam insigni probitate vir, neglectus esse videatur, in quo beneficia gratitudinis regiae in illo memoriae sempiternae ergo non extarent. Sed tamen iuxta verba eius, Domino domus obediendum esse, curandum ut vicissim illi lepidè referatur. Quare ita omnes instruit, & praecipue quibus officium praebendae ad lauandum aquae, reliquaq; ad mensam munia incumbebant, ut venienti honorem omnem exquisitè exhibeant, aquam ad abluendum manus offerant, honoratiorem locum capere iubeant, cibum porrigant, ut si forte aliquid horum liberè agere caperèq; recusarit, eum etiam Rex moneat, Domino domus obediendum esse. Haec itaq; cum essent conclusa in a-

P ij

Molæ do-
minus re-
gis conui-
ua.

Molæ do-
minus in
aula regis
aulicus.

sa in animo regis maximo cum viri huius de-
siderio, venit hic bonus vir comitatus famulo
in aulam regis, securim manu gestans. Quem
excipiunt omnes decenti honore, ad regemq;
deducunt. In cuius conspectum cum ille ve-
nisset, decorum omne seruauit, regi q; officium
debitum cum magna animi submissione, graui
& liberali vultu prastitit. Adferuntur
fercula, & aqua lauandis manibus offertur,
qua ille liberè à purpuratis utebatur. Iu-
betur ac umbere mensæ in loco honoratio-
re, & hoc recusat minimè. Offertur illi ci-
bus, & reliqua ad fruendum splendido hono-
re exhibentur, quæ etiam ille sine recusa-
tione boni consulit, nec quicquã abnuuit, recu-
satq; quod regis voluntate fieri videt. Rex
ista omnia diligenter obseruabat, & cum li-
beraliter ac de industria animaduertit hospi-
tem suum agere, causam facilem non habet,
ut ei par pari referat. Interrogat tamen
quo animo accipiat regias dapes. Et cum
responderet, sibi eas optimè sapere, Rex
pruden-

prudentiã ac industriam eius collaudat, quod
Domino domus sit obediens, se enim eum vi-
dere ea omnia promptè facere, quæ illi sunt
necessaria. Ibi hospes pro suo ingenio quo-
dammodo perculsus, reuocat in memoriã, hæc
sua verba fuisse, quibus regem in domo sua
non aequè obedientem perstrinxerat, quare
erat regem, vitio non vertat, se enim dixisse
quæ vera sunt, propterea etiam se ipsum &
apud Regiam maiestatem, cui à subditis obe-
diëntia maximè debetur, necessariò omnia quæ
iubentur, facere. Verum Rex & hoc re-
sponso plurimùm delectatus, omnia se in eo
cum laude agnoscere, ei q; pro beneficio pre-
stato adhuc gratias agere, dicebat. Quodq;
vicissim sit regio beneficio dignus, in ordi-
nem procerum eum adlegat, cum tota domo
posteritateq; eius omni. Insigne illi donat,
securim lingua nostra Polonica, Topor, dictã,
eò quòd seueritatem disciplinæ in domo eius
ab eo seruatam probè ipse conspexisset.
Fortunas quoq; amplissimas ei contulit, quo
opibus

Antiquitas
familie
de Tenczin.

opibus & copijs instructo, Rex eo in negotijs
Reipub: uti possit. Quo quidē beneficio vir
tam insignis ornatus à Rege, ita se gessit, ut
regi seper Regnòq; dignissimus utilissimusq;
fuerit: eiusq; posteritas talia studia & merita
in prouehenda Repub. ediderat, quæ omne
ad tempus intemeratæ existimationis, apud o-
mnes domi & foris fuere. Nec aliam à Re-
gni Polonici memoria, vetustiore gens Po-
lona habet familiã quæ simul cum stirpe Pia-
sti regis antiquissimi Polonici, continua inter-
ruptaque serie in utroq; sexu, ad instar sege-
tis uberrimæ fecundissimæq; huc vsq; accre-
uisset: splendido nomine, factis splendidis, non
solum apud populares suos, sed & apud quos-
uis exteros propagato, cum semper inclyta
hæc familia profeminauerit tales generosissi-
mos heroes, qui Reipubli. Polonæ cum flo-
renti tū collabenti suam indefessam nauabant
operam, magistratu insigni, maximo Reipub.
cum fructu & laude gentis suæ abundante
fungentes. Credibile est autem illum molarum
dominum

dominum Lesconis Regis delicias, honestum
& militarem virum fuisse, moribus optimis
& rerum cognitione præstanti præditum, qui
& domum suam rectè gubernare potuit, ha-
buitq; molã publicæ necessitatis causa. Qua-
rum molarum certè peculiarem semper curam
habuisse Deum legimus, ex eo quod eas Mo-
ses ex Dei oraculo, noluit ullo pignoris ne-
xu teneri. Qua itaq; re familiari vir ille de-
lectatus est, quemadmodum legimus homines
militares, priscis illis temporibus non turpi
ocio, nec luxui, sed honesto labori cessante
militia, incubuisse, ut de Przemislao aurifa-
bro, qui post in regem fuit electus, legimus.
Sic de Lescone cursore, de Piaſto item agri-
cola post præclarissimo Polonorum Rege,
qui omnes in fastigium regium euecti, stupen-
dis factis inclaruerunt, posteritatisq; numero-
sissimæ ac illustrissimarum familiarum auto-
res extiterunt. Quod quidem in regno quo-
uis ab hominum memoria factum fuisse vide-
mus. L. Quintius Cincinnatus dictator est
factus

Liu. lib. 3.
pag. 83.

Eutro. lib. I. pag. 13. *factus Romæ, qui agrum quatuor saltem iu-
gerum possidens, manibus suis colebat. Sed
Ælianus in sua historia talia multa profert e-
xempla, profert Lluus, Eutropius, & alij
quàm plurimi, qui maximi nominis familias
descripsere. Et hoc est consideratione digni-
ssimū, quod excellentissimæ familiæ habuerūt
tenuia quædā sua primordia, Sic Adam ex
terra, ex Adamo verò genus processit huma-
nū. Ut enim ex riuis tenuissimis vastissima &
nobilissima promanāt ac exundāt flumina, ita
familiæ generosissimæ tenuioribus iactis ra-
dicibus, propagines vsq; ad fastigiū excelsi-
simas producunt. Ut euidentis exemplum
habemus in hac illustrissima amplissimaq; fa-
milia, quæ ita egit radices & propagabatur,
donec ad quendam maximi nominis virum,
Iohānes de Tenczin, dictum ob singularem modesti-
am & candorem lingua nostra Owieczka,
Palatinum Cracouiensem, idq; temporibus
Vladislai Loktici Regis Poloniae, perueniret,
& mirum*

Eutro. lib. I. pag. 13.
Ælianus lib. II. p. 201.

Maxime
familiæ se
phabebāt
tenuia sua
primor-
dia.

Iohānes
de Tenczin
ouieczka
dictus, &
eius posse-
ritas.

*& mirum in modum aucta est. Hic enim pro-
genuerat duos filios, Iohannē & Andream,
Iohannes verò sex filios, à quibus magnum
mare præstantissimarum familiarum in hoc
regno exundauit, tam masculi quàm feminei
seminis. Vnus ex his sex filijs Nicolaus fu-
it Dominus de Tenczin, qui suscepit filium
Iohannem, Palatinum Sandomiriensem, qui
vir fuit altus & excellens, ex quo nata est
filia Zophiare & nomine, virgo excellenti-
ssimis dotibus decorata, quæ post collocata
fuit in matrimonium heroi clarissimo præ-
stantissimoq; Domino Stanislao Comiti de O-
strorog, Castellano Miedzirecensi, cui duos
filios procreauit, Iohannem & Nicolaum,
imagines animi paterni, Comites de Ostrorog,
qui iam DEI beneficio in viuis sunt, & glo-
riam ac decus, suis studijs ac meritis, non mo-
dò domui suæ antiquissimæ, ac omni laude a-
bundante, sed & Reipub. Regni, promouēt.
Fuit verò hæc heroina post mortem mariti tam
dignissimi relicta Vidua, prudentia autorita-
te viri-*

Stanisla-
us Comes
de Ostrorog,
Castellanus
Miedzirec-
cens; eiusq;
uxor mu-
lier fortis
& vtrius-
q; poste-
ritas.

Lij

te viri-

Grego-
rii Nisse-
nus in o-
ratione fu-
nebris de
Placilla.
Pag. 373.

te virili, & summa in rebus agendis dexte-
ritate, pietate, sanctitate, gravitate prædita,
corona domus suæ splendidissima, de qua hoc
verè dici potest & debet semper, quod de
Placilla Theodosij uxore Gregorius Nis-
senus scripsisse legitur. Quod fuerit ornamē-
tum imperij, iustitiæ gubernaculum, humani-
tatis imago, maritalis amoris figura, Zelus fi-
dei, columna veræ Ecclesiæ, pauperum diuiti-
æ. Certè mulier fortis, cuius nomen vivat
à generatione ad generationem, sapientiam e-
ius narrent populi, & laudem eius Ecclesiæ:
mulier enim timens Deum laudabitur. Idq;
& eo nomine potissimum, quod transit de la-
bore ad refrigerium, de expectatione ad præ-
mium, de agone ad brauiū, de morte ad vitam,
de fide ad notitiā, de peregrinatione ad qui-
etem, de mundi huius exilio ad veram patri-
am: iuxta Divi Apostoli verba, reportans
finem fidei suæ, salutem animæ suæ. Quod ve-
ro reliquos illos quinque filios familiæ tam illu-
strissimæ concernit, ex illis viri alij maximi
nominis,

nominis, et feminae aliæ laude dignissimæ pro
seminatæ sunt, ex quibus seminarium uber-
rimum familiarū maximarū profluxit. Quod
argumento est illa totius POLONIAE contra
Kieistutum Lituaniae & Georgiū Belzensem
duces, tempore Ludouici Regis, expeditio:
in qua huius familiæ, quæ securim, lingua
nostra Topor, pro insigni habet, septem ve-
xilla prætulisse legimus. Adeo hæc insi-
gnis familia creuerat, eratq; viribus potens,
tantam multitudinem bellatorum in defensio-
nē patriæ suppeditās. Sed redeamus ad illud
unde diuertimus, nēpè quod reliquum de hoc
rege Lescone proditum habemus, illud est.
Cum in multam ætatem vixisset, regno felici-
ter & pacificè administrante, decessit de vi-
ta, filio adulto Zemomiso relicto, anno refor-
mati mundi, ut tradunt, 906.

Cromer-
us de ge-
stis Polo-
norū lib.
13. P. 225



2 ij.

ZIE-

ZIEMOMISLAUS
DECIMVSSEXTVS POLO-
NORVM REX.

Ziemomislau-
s dignissi-
mus in regno
patris suc-
cessor.

NON absimilis Patri Lesconi Zie-
momislauus in successione regni fuit,
cum eiusdem quietis studiosus, cui pater pra-
cipue indulserat, vitam omni genere virtu-
tum ornatissimam traduxerit. Nec illi in ta-
li sedata ac pacata administratione regni,
quicquam ad bene beateque viuendum defuisse
videbatur, praeter quod multo tempore vita
sua, connubium suum infaecundum habuit,
unde cupidissimus successoris legitimi thori,
vehementer hac sterilitate excruciabatur. Et
cum postea impraegnata uxor caecum ei filium
esset enixa, iterum magis ac magis in eundem
dolorem relapsus; sese suamque fortunam ac-
cusabat, quod primo sterilitate ipsa vexatus
satis superque afflictus fuerit, iam vero multo
gravius affligatur, fatum quod praeter spem
et naturae et conditionis, utilitatisque comu-
nis, acceperit. Auctum insuper malum illi,
uxore

Afflictio
eius do-
mestica.

Filius ex-
e ei nasci-
tur.

uxore uno hoc fatu edito sterili permanente,
in quo nec opes, nec regni splendor dolore hunc
illi leuare potuit, cum se tali vitae oblectamento
destitutum esse videret. Nutritur tamen foue-
turque infans diligentius, ob venustatem corporis
et quandam quae illi inerat, generosam indolem,
spem aliquam recuperandi ab eo visum concipien-
tes, in qua quidem haud frustrati sunt. Mos fuit
gentili consuetudine Polonis primam annorum se-
ptimanam, qua aetas prima infantiae absolueba-
tur, solenni conuiuio et ritu peculiari celebra-
re. Sciebant enim homines illi cuiuslibet vi-
tam septem temporibus contineri, utpote infantia
usque ad pueritiam, pueritia usque ad adolescen-
tiam, adolescentia usque ad iuuentutem, iuuentute
usque ad virilitatem, virilitate usque ad senectutem,
senectute usque ad decrepitam aetatem. Quae tem-
pora septennio dimetientes usque ad aetatem de-
crepitam, cui reliquum, quodcumque supererat,
temporis tribuebant, quod et aliae gentes apud
quas studium Philosophiae auro preciosius erat,
religiose obseruarunt, quod ex his elegijs So-
lonis videre est.

Poloniorum Mos,
primam annorum septi-
manam, so-
lenni conuiuio cele-
brandi.

Infans

Clemēs
Alexans
drin' lib.
6. Stoma
tū p. 317.
ex Solos
ne.

Infans septenos postquam compleuerit annos
Producti dentes vallus vt oris erant.
Postquam septē alios Deus huic cōcesserit annos
Fit pubes, semenq; huic genitale datur
Verum septē alijs postquam annis creuerit aetas,
Densa seges barbæ contegit orta genas
Additus est illi cum septenarius alter
Vir tum virtutis fortia signa dabit,
Sed monet adueniens vxorem ducere quintus,
Posteritatis & hunc tum meminisse suæ,
Solers ingenium, firma & prudentia sexto est,
Stulta nec hoc deinceps facta videre iuuat,
Septimus accessit cum septenarius, atq;
Octauus, lingua pollet & ingenio, (illo
Nono aliquid possunt, sed iam minuuntur in
Vires, quīs peragunt fortia facta viri.
Sed decimus cum alios septem perfecerit annos,
Maturam mortem tristia fata dabunt.

Obserua
tio, septen
narij Po
lonis solē
nis.

*Ad eundē modum quoq; Poloni prisca, hunc
septenarium, ex doctrina & traditione maio
rum suorum maximi faciebant, ita vt primum
ab infantia elapsū, quo ex alteratione nece
ssitudineq; quadam corporis, dentes pueris e
labi solent, consueuere celebritate solenni o
bire. Eo enim tempore, pueros alterum septē
nium at-*

*nium attingentes sacramento quodam initia
bant, cum eorum capillos primos ab ipsa na
tiuitate enatos abradebant, & illis noua no
mina imponebant, multis qui presentia sua
tam solennem actum condecorarent, ad epulas
inuitantes. Qua igitur consuetudine Rex,
cum filius eius cæcus ex sua excessisset infan
tia, accitis multis Gnesnam proceribus ma
gnatibusq; Regni, diem abradendi & nuncu
pandi filij huius instituit, non quidem admo
dum hilari, quem ex suo consueto dolore ge
rebat animo. Cum itaq; adferretur puer ritu
huiusmodi lustrandus innouādusq; in medium
frequentissimi conuentus, ecce in ipso momen
to aperiuntur illi oculi, cæpitq; derepentē cō
tueri omnes puer ille. Quod cum regina
animaduertisset, incredibile dictu quam læ
titiā conceperit, quoq; gaudio perfusa pro
siluerit cum puero, nunciatum eius visum.
Unde altissimo factō silentio, rex & proce
res attoniti stupentesq; omnibus lætitijs com
pleti, clamorem ad sydera tollunt, dijs toto*

R animo

Mos abra
dendi co
mā ab ins
fantia In
primo se
ptenario
Polonis
in genti
lismo vsu
tatus.

Puer à na
tura cec
in lustra
tione an
no septis
mo visum
recipit mi
raculosè.

animo tam inauditum oculorum cōtuitum ac-
ceptum ferentes. Et quidem rex conspecto fi-
lio perspicacissimis oculis lustrante & sibi
applaudente, miraculo hoc beatum se iam
esse agnoscit. Magnates & reliqui omnes
conuiuæ, omneq; reliquum vulgus regi &
reginæ congratulabantur. Sacrifici & alij
aruspices, quibus abradendi pueri negocium
incumbebat, hanc illuminationem pueri feli-
cissime interpretabantur, nempe exoriturum
tale aliquod præstantissimum lumen, quo re-
gnante hoc regis filio, gens Polona summum
sit consecutura bonum. Quo factò, innoua-
tur puer tam felix faustusq; illa tonsura
capillorum, & nomen ei ex præsentì omine
Mieczslaw imponitur, quasi dicas, gladius
magnæ famæ, quòd olim ille gladio illustrem
laudem Reipub. Polonæ sit paraturus. Ritu
hoc peractò, omnes se dant iucunditati, ipso
rege summa letitiæ signa præbente, & in o-
mnes ingentem liberalitatem ac munificen-
tiam exercente, ita ut illum septenarium
filij

Mieczsla
ui nomi-
nis inter-
pretatio.

filij eius, omnes sacrosanctum memoriaq; sem-
piterna dignissimum statuerent. Postea per-
actis huiusmodi solennibus, puero diligentius
custodiendo & educando, rex fidissimos cu-
stodes ac moderatores præficit, quem quidem
in dies omnes virū quàm puerum summa cum
eius expectatione exoptabant. Tandem cum
esset adultam ætatem consequutus, rex Zie-
momislaus relicto eo in regno, Gnesnæ de vi-
ta concessit, ibiq; anno incarnati Christi 962.
Imperij vero sui 64. ad sepulturam datus est.
Atq; hic erat rex postremus gentilis, post
cuius mortem Polonorum oculi idolatria cæ-
cati, luce salutaris Euangelij illustrari cæ-
perunt, idq; viuente ac regnante hoc Mie-
czslawo huius lucis euidentissimo præmon-
stratore ac prænuncio, de quo antequam scri-
bam de gentilismo Polonorum, pauca quæ-
dam necessaria dicenda sunt, præsertim cum
finito Ziemomislao ultimo rege gentili, lo-
cus sit idoneus de ipsa religione Ethnica, Po-
lonis tempore illo veteri consueta, aliqua ex-
arandi.

R ij

DE

DE RELIGIONE POLONORVM GENTILI, QUÆ ET QVALIS FVERIT.

Religio Polonorum in prior gentilis.

Deorum multitudo Xerxis copias excedens.

NON est dubium, religionem antiquam & reliquæ gentes idolatricæ profitebantur. Hæ enim colebant DEOS quos scribunt extitisse triginta millia numero: Imò tam numerosissimam multitudinem, quæ immensas illas Xerxis copias excederet, ea nimirum fraude, qua ab unius veri DEI cognitione cultuq; eius vero aberrabant, Ægyptij præsertim, quibus sexaginta sex sacrificiorum genera in usu fuisse, vetustissimi tradunt authores. Græci item, qui Ægyptios in hac vanitate & superstitione imitati sunt. Latini similiter, qui Deos Statores, Tonâtes, Feretrios, Geniales, Præstites, Indigetes, Patrios, Tutelares, & alios habebant. A quibus omnibus gens Polona, priscis illis temporibus, suas etiam idololatrias & superstitiones hau-

nes hauserat, à Græcis potissimum, quibus antè maiores eorum cohabitabant. Idolatræ igitur erant Poloni, spurcissimo cultui demonum dediti, quos etiam varijs sacrificijs demerebantur. Delectum tamen tali in cultu quendam seruabant, ut agnoscerent DEVM quendam unum, quem fulminis Deum vocabant, cui omnes alios DEOS subijciebant. Quem Deum unum credibile est Polonos Iouem putasse, cum teste Giraldo, omnes nationes vniuersitatis rectorem Iouem existimabant: ut enim anima corpus regit, ita Iupiter mundum, quemadmodum Procopius, cum de superstitione Sclauorum scribit, talia hæc in verba explicat. Sclauis lege cautum est, & à suis maioribus proditum, inter Deos aliquem unum, qui fulminis sit fabricator, rerum omnium dominum ac solum esse, ut credant, illiq; boues & hostias cæteras mactent, fortunam verò nec sciunt quidem, nec aliàs vim aliquam in homines habere, fatentur, sed postquam sibi, siue domi morbo correptis,

Poloni Deum unum qui fulminis sit, Deus colebatur.

Giraldus de Dignitate Syntagma 2 p. 70.

Procopius Cæsariensis lib. 3 de bello Gothorum pag. 149.

R ij reptis,

reptis, siue in praelio constitutis, è propinquo

Poloni Pro ani-
ma in gē.
tilismo, &
sacrificiū
uocabant
& illud fa-
ciebant.

mors imminet, iubentur quidem, si incolumes
fortè euaserint, Deo confestim pro anima sa-
crificium facere, unde quum primū mortis
illud discrimen defugerint, sacrificium ex
voto ac promissis absoluunt, & putant fermè
hoc pacto salutem sibi per sacrificia rede-

Helmoldus
presbyter
chronicæ
Sclauorū
pag. 182.

mississe. Syluas præterea & Nymphas, hi co-
lunt, & dæmones alios, hisq; sacrificia pera-
gunt, & inter sacrificandum vaticinantur.

Helmoldus qui Sclauicam historiam scripsit,
eadem etiam de hac idolomania gentis huius
Sclauonicæ narrat, inquit. Est autem

Sclauis multiplex idolatriæ modus, non enim
omnes in eandem superstitionis consuetudi-
nem consentiunt. Hi enim simulachrorū ima-
ginarias formas prætendunt de templis, ve-
luti Plunense idolū, cui nomen Podaga (Po-
goda verius) alij syluas, vel lucos inhabita-
bant, ut est Proue (Prawy verius) Deus
Aldenburg, quibus nullæ sunt effigies ex-
pressa. Multos & duobus, & tribus capi-
tibus

Imagines
Polonor.
in gentili-
smo.

tibus exsculpunt. Inter multiformia verò
Deorum numina, quibus arua, syluas, tristi-
tias atq; voluptates attribuunt, non diffiten-
tur unum Deum in cælis, cæteris imperitā-
tem, illum præpotentem cælestia tantum cu-
rare. Hos verò distributis officijs obsequētes,
de sanguine eius procesisse, & vnūquemq; eò
præstantiorē, quò proximiorē illi Deo Deorū.
Quæ quidē omnia Albert. Crantzius eandem
Idololatriā astruēs, in sua enumerat Vādalia,
eadē omnino verba vsurpās, quib. & ipse Hel-
mold. in descriptione idololatriæ Sclauonicæ
vsus est. Ex quibus facile est cōiycere, Polo-
nos eandem idolatriā gentilismo regnāte, ex-
ercuisse, & quidem, ut in numero falsorū De-
orum, vnū quem fulminis Deum, cæli guber-
natorem præpotentem, omnibus alijs superio-
rem vocabant, agnoscerent. Quem nā credi-
bile est ipsum diabolū fuisse, qui vnus Dei
nomine cultūq; eius, genti huic superstiosis-
sime illudens, imponebat, ea sibi vendi-
cans, quæ sint veri DEI, creatoris totius vni-
uersi, propria. Et puto eundem DEVM

Albertus
Crantzius
in Vanda-
lia, lib. 4.
pag. 93.

Polonis
Ethnicis,
vnus Deus
quis.

Diaboli
fraus in ef-
figenda
& vnitatē
& veritate
Deitatis.

fuisse fulminis, quem Helmoldus etiam Proue
vocat, hoc est, Prawy, e in i mutato, eò quòd
quemadmodum unitatem, ita veritatem dei-
tatis Diabolus sibi impudenter vendicabat.
Et huic Deo nullam imaginem solebant effin-
gere, quòd Diabolus maiestatem hanc quoq;
obtineret, quæ perhibet, verum Deum nulla
specie & effigie exprimi posse. Habebant
tamen simulachra quàm plurima eaq; diuersa,
inter quæ trium capitum erant sculpta, qui-
bus etiam Diabolus Trinitatem in gente illa
mentiebatur. Quemadmodum & pictores va-
nissimi etiamnum faciunt, qui Deum trinum
triplici vultu pingunt. Nec quicquam erat
tam feracius vsitatusq; in religione Polono-
rum Ethnica, quàm cultus simulachrorum, qui
ut de talibus loquitur Lactantius, infecti
persuasione, ac mentes eorum penitus succum
stultitiæ perbiberint, adorabant insensibilia,
qui sentiebant, irrationabilia, qui sapiebant,
ex anima, qui viuebant, terrena, qui orti erant
è cælo, stupendam audaciam habendi & co-
lendi

Imagines
trium ca-
pitum qui-
bus diabo-
lus apud
Polonos
Trinitatē
mentieba-
tur.

Lactanti-
lib. 2. de
origine
erroris,
cap. 2.

lèdi simulachra, perstringens. Sed & alia sa-
crificiorum genera obseruabāt, quæ ab Helmol-
do exprimuntur. Inualuit, inquit, per vniuer-
sam Sclauiam multiplex idolorum cultura,
errorq; superstitionum. Et alijs verbis. His
dicati erant Flamines & sacrificiorum liba-
menta, multiplex religionis cultus. Porro
solennitates dijs dicandas sacerdos iuxta sor-
tium nutum denunciabat, conueniuntq; viri &
mulieres cum paruulis, mactantq; dijs suis ho-
stias de bobus & ouibus. Pleriq; etiam de ho-
minibus Christianis, quorum sanguine Deos
suos oblectari iactitant. Post cæsam hostiam
sacerdos de cruore libat, ut sit efficacior o-
raculis capessendis. Nam sanguine dæmonia
facilius inuitari, multorum opinio est, quæ o-
mnia, credibile est eos ad imitationem pri-
mum Hebræorum factitasse, Sabbathum suum
celebrando, in quo Conuentum frequentem
virorum, mulierum, puerorum agebant, quo
tempore sacrificabant, non D E O vero, sed
ut seruus Dei dicit Paulus, dæmonijs. Quam
imita-

Helmoldo
cap. 53.
Polonis
varie sus-
perstitio-
nes.

S

imita-

imitationem omnem in cultu omni gentilium
graphice Augustinus hisce explicat verbis.

August.
cont. Fab.
Maniche.
lib. 22.
cap. 17.
pag. 398.
I. Cor. 8.

Veri Sacrificij, sicut religiosa pradicamenta
Hebraei celebrauerunt, ita sacrilega imita-
menta Pagani. Quoniam quæ immolant gen-
tes, ait Apostolus, Demonijs immolant, non

DEO. Antiqua enim res est, prænunciati-
ua immolatio sanguinis, futuram passionem
mediatoris ab initio generis humani, testifi-
cans. Hanc enim primus Abel obtulisse in sa-
cris literis inuenitur. Non igitur mirum est,

Gen. 4. c.

f. Angelo
rum mal-
rum duc-
vitia,

si præuaricatores Angeli, quorum duo ma-
xima vitia sunt, superbia ac fallacia, per
hunc aërem volitantes, quod uni vero DEO
deberi nouerant, hoc sibi à suis cultoribus

exegerunt, à quibus Dij putari voluerunt,
dante sibi locum vanitate cordis humani:
maximè cum ex desiderio mortuorum consti-
tuerentur imagines, unde simulachrorum

Origo
imagini.

usus exortus est, & maiore adulatione diui-
ni honores deferrentur, tanquam in cælum re-
ceptis, pro quibus se in terris demonia colen-
da sup-

da supponerent, & sibi sacrificari à deceptis
& perditis flagitarent. Hæc nimirum Polo-
ni priscis illis temporibus, fascinati à demo-
nijs sacra habebant, quibus honores diuinos
Dij hisce suis decernebant. Idolum etiam
Podaga, vel ut Crantzius habet, Pogaga,
quod verius Pogoda lingua nostra diceret,
hoc est, DEVM serenitatis, quem alio no-
mine Zywie, nimirum auram vitalem voca-
bant, habebant. Quod quidem Idolum idè
religiosissimè colebant, quo omnem perturba-
tionem & inclementiam cæli ab aruis & cam-
pis suis auerterent. DEOS insuper alios
more aliarum gentium venerabantur, Mar-
em præcipuè tanquam militiæ, cui omnem o-
peram nauabant, præsidem patronumq;: Plu-
tonem item inferni DEVM, cuius templum
amplissimum G N E S N Æ fuit, N Y A
vocatam, honore, prosequerentur maxi-
mo, idq; ob metum infernalium pœnarum,
quas post mortem superesse credebant, et si
cum morte temporali omnia putabant finire.

Idolū Po-
goda di-
ctum.

Mars De-
us militiæ.

Pluto De-
us inferni
cuius pæ-
nas formi-
dabat Po-
loni gens
tilis.

Venerem

Dea Ven.
Dzievva
na dicta.

Festa Hi-
laria.

Bachana-
lia.

Venerem etiam, quæ ad omnia veniat, augu-
stè venerabuntur, quam Dziewanam, hoc est
Dziewoije vocabāt, quòd esset Dea & patro-
na puellarum mulierumq;. Hilaria quoq;, la-
titiae celebritas, illis Romano more fuit in u-
su, cui DEOS, quos Lelum, Polelum voca-
bant, tanquam conuiuales patronos præsicie-
bant. Quos in ducendis choreis canentes ac
plausum dātes, Hei Lelum, Polelum usurpa-
bant, hac lætitia honorem dijs suis promouen-
tes, sibiq; fausta gaudia precantes, & ne quid
in his dijs suis indignum agerēt præcauentes.
Quem morem etiamnum passim in Christia-
norum pagis & oppidis, verum dispari reli-
gione & virtute, mulieres benè potæ &
procaces, facere consueuerunt. Celebrabant
præterea ipsa Bachanalia magno sodalitatis
concurſu, quem Stado vocabant, hoc est ca-
teruam ac colluuiem promiscuam hominum
masculorum & mulierum. Qui eo tempo-
re quo nos diem Pentecostes maximum ac fe-
stum obire consueuimus, fixis in terram fron-
dibus,

dibus, & in his extremo tempore diei, appen-
sis lucernis, gregatim per forum & plateas
cursitabant, obscœna quæq; patrantes. Quæ
etiam Christiani malè feriat in multis locis,
Ethnicismum exprimentes & reuocantes, au-
dacter proiecta fronte faciunt. Huc adfero
alia, quæ in usu habebant, quibusq; religio-
nem suam testabantur, utpote natalitia festa,
quæ solenni cum conuiuio celebrabant, idq;
more aliarum gentium, quæ in vitam hanc
venire maximi ducebant, minimè illud re-
putantes, quòd melior sit dies mortis die na-
tiuitatis, teste sapiente. Fuit etiam illis
celebritas, quam Athenienses OEnisteria vo-
cabant, quam pubescentes Ephebi perage-
bant, antequam comam attonderent, quam et-
iam dijs consecrabant. Quemadmodum Plu-
tarchus scribit, tempore Thesei eos, qui ex
Ephebis excessissent, de comis primitias of-
ferre consueuisse, quod & Mieczslau in
pueritia fecisse, legimus. Habebant & fune-
sta sacra, parentalia dicta, pro recordatione
& expia-

Festa na-
talitiz.

Ecclesia-
stes cap 7.

OEnisteri-
a festa.

Plutarchus
in Theseo
pag. 1.

Funesta
sacra.
Feralia.

& expiatione suorum mortuorum. Feralia
item Romanis illis nota, dies Dijs manibus
consecrati, cum ad tumulos epulas ferrent,
ibiq; canas & epulum agitarent. Sed hæc
breuibus, de religione priori gentili Polo-
norum, me exarasse sufficiat, parti primæ
huius Chronici finem ut imponam.

Honor & laus sit illi, qui dedit vel-
le, dabitq; perficere.



**AD REVERENDVM VIRVM
DN. ERASMVM GLICZNERVM.**

Historiam, Lucem, Speculum, vitæq; Magistram
Ac Speculam, veterum Musa polita vocat.
LUCEM, quod visenda facit, quæ tecta latebant,
Nec finit offenso nos titubare pede.
At SPECVLVM; quia curua notās & recta, pudendis
Quid maculis distent non maculosa, docet.
RECTRICEM vitæ; mores quia format & ornat,
Quidq; sequi deceat, quidq; cauere, monet.
Sed SPECVLAM; quoniam per facta Futura reuelās,
Argos aut etiam Nestoras esse facit.
Ergo, viros merito dignemur oportet honore
Hos, quibus historiam condere cura fuit.
In quorum numero cum tu GLICZNERE, nitescas,
Ingenio parta laude perennis eris.

AD LECTOREM.

Historiam veterum GLICZNERVS texere regum
Aggressus, cunctis utile mouit opus.
Nam velut in specula monstrās, quid profit & obsit,
Ut bonus & prudens inueniāre, docet.
Scilicet exemplis morum documenta valescunt,
Exemplis virtus creuit & aucta fuit.

M. HVLD. SCHOB.

AD REVERENDUM VIRUM
DOCTORUM GREGORIVM

Historiam hanc scripsit Gregorius
de quibusdam rebus hinc inde
et ceteris rebus hinc inde
et ceteris rebus hinc inde

Ad reverendum virum
doctorem Gregorium
de quibusdam rebus hinc inde
et ceteris rebus hinc inde

Historiam hanc scripsit Gregorius
de quibusdam rebus hinc inde
et ceteris rebus hinc inde
et ceteris rebus hinc inde

In primis annis hinc inde
et ceteris rebus hinc inde
et ceteris rebus hinc inde
et ceteris rebus hinc inde

AD ELECTOREM

Historiam hanc scripsit Gregorius
de quibusdam rebus hinc inde
et ceteris rebus hinc inde
et ceteris rebus hinc inde

In primis annis hinc inde
et ceteris rebus hinc inde
et ceteris rebus hinc inde
et ceteris rebus hinc inde

Al. H. 2. 2. 2.

Hist. Poloniae

a. gen.

p. 15.

